


御批通鑑輯覽

六十二

內閣文庫		
二八五函	二一九三號	漢書類
四册	六四架	

漢書門類			
六四册	二一九三號	八九函	二一九三號
		二架	

內閣文庫		
番號	漢	2193
冊數	64	(62)
函號	285	16



御批歷代通鑑輯覽卷之一百十四

明史贊曰明自乾而綱紀日以陵夷神宗末葉極矣雖有剛明英武之君已難復振而重以帝

御批歷代通鑑輯覽卷之一百十四

明

莊烈帝

崇禎元年春正月詔中官非奉命不得出禁門

尊熹宗皇后為懿安皇后

三月葬德陵

諡曰愍皇帝廟號熹宗

明史贊曰明自乾而綱紀日以陵夷神宗末葉極矣雖有剛明英武之君已難復振而重以帝

贈卹寬陷諸臣

諸忤逆璫逮死若楊漣左光斗魏大中周順昌等皆附

鳳來等積惡已深元賓久
列諫垣前此何以默無一
語類其意不過懼閣欲方
藏遂爾依違滯澀直至羣
非距脫始欲藉一疏以沽
五名殊為可鄙迨瑞圖
已劾罷而定逆案時閣臣
倘以其無實狀為詞可見
當時廷臣心術豈盡祖庇
同行其私意即糾彈亦非
固必心世風變替極矣

郵有差既而鄒元標馮從吾高攀龍諸人亦俱廢職
施鳳來張瑞圖罷。

御史羅元賓

督稽人

疏糾鳳來等以為綸綍之重任總歸

閣宦之權衡欲尚公則尚公欲封爵則封爵欲建祠則
建祠欲誅殺削奪則誅殺削奪情面多而擔當少爵祿
重而謀國輕遂使黃扉為置郵之所輔臣若執簿之官
謨國徇私莫此為甚帝是其言鳳來瑞圖遂俱乞罷。

陝西天亦如血

是月二十五日陝西全省天亦如血至巳刻漸黃日始

出古主大旱有暴兵

夏四月以袁崇煥督師薊遼

初崇煥以忤魏忠賢去忠賢既伏誅廷臣爭請召崇煥

至是進兵部尚書督師薊遼崇煥尋至都帝召見平

師後右門明代亦名曰平臺咨以方略對曰臣受陛下特眷願假使

宜許五年全遼可復帝退少憩時廷臣咸在給事中許

譽卿即以五年之累崇煥言聖心焦勞聊以是相慰耳

譽卿曰上英明安可漫對異日按期責效奈何崇煥慙

然自失頃之帝出即奏言東事本不易竣陛下既委臣

臣安敢辭難但五年內戶部轉軍餉工部給器械吏部

用人兵部調兵遷將須中外事事相應方克有濟帝為

飭四部臣如其言崇煥又言以臣之力制全遼有餘調

眾口不足一出國門便成萬里忌能妬功夫豈無人即

不以權力掣臣肘亦能以意見亂臣謀帝起立傾聽諭之曰卿勿疑慮朕自有主持大學士劉鴻訓等復請賜

崇煥尚方劍假之便宜帝悉從之崇煥復上言恢復之計不外臣昔年以遼

人守遼士以遼士養遼人守為正著戰為奇著和為旁著之說法在漸不在驟在實不在虛此臣與諸臣所能為至用人之人與為人用之人皆至尊司其鑰何以任而勿貳信而勿疑蓋馭邊臣與廷臣異軍中可驚可疑者殊多但當論成敗之大局不必拘一言一行之微取事任既重為怨實多諸有利子封疆者皆不利于此身難臣非過慮但中有所危不得不告帝優詔答之

五月李國楷罷

國楷雖魏忠賢同鄉然每持正論至是乞歸薦韓爌孫承宗自代旋卒于家諡文敏

毀三朝要典

魏忠賢既誅其黨楊維垣等護持舊局上疏力詆東林與崔魏並指為邪黨編修倪元璐字玉汝再疏攻駁柄

國者兩解之元璐尋上言請毀三朝要典略曰樞擊紅則于清流而三朝要典一書成于逆豎其議可兼行其書必當速毀蓋當事起議與益廷互訟主樞擊者力護東宮爭樞擊者對安神祖王紅九者使義之言爭紅九者原情之論主樞擊者引變于幾先爭樞擊者持平于事後數者各有其是不可偏非總在逆瑞未用之先雖甚水火不害垣麓此一局也既而楊連二十四罪之疏發魏廣微此輩門戶之說與于是逆瑞殺人則借三案羣小求富貴則借三案經此二借而三案面目全非矣故凡推慈歸孝于先皇正其頌德稱功于義父此又一局也綱白密而猶疑有遺鱗勢已重而或憂其翻局權魏諸姪始創立私編標題要典以之批根今日則象正之黨碑以之免死他年即上公之鐵券又一局也由此而觀三案者天下之公議要典者魏氏之私書三案自謂翻印紛囂改亦多事惟有毀之而已夫以闡豎之權而役史臣之筆自古未聞當毀一未易代而有編年不

直書而加論斷若云彷彿明倫規模大典則是魏忠賢
欲與肅皇帝爭聖崔呈秀可與張孚敬比賢悖逆非倫
當毀之書亦不得授宋神宗手製序文為例假竊誣妄當
毀三况史局將開館抄具備七載非難稽之世實疏上
錄有本等之書何事留此駢校供人唾罵當毀四
帝從之遂焚其板

六月來宗道楊景辰罷

宗道代李國樞為首輔事多詭隨編修倪元璐屢言時
事宗道笑曰渠何事多言詞林故事止香茗耳時謂宗
道為清客宰相景辰先與宗道為要典副總裁一徇奸
黨指及朝局已變乃請毀要典言官交章劾之遂與宗
道同罷

秋七月浙江海盜

海寇鄭芝龍泉州南安人降

閩海故多盜芝龍尤猖獗據海島截商粟會閩中餓求食者多歸之勢益熾然

嘗敗官軍不追獲將士不殺當事者遣使撫諭遂降會
福建巡撫熊文燦貴州永寧人至普遇之使為已用芝龍先

後擊殺羣盜李魁奇鍾斌等擢授遊擊後又平巨寇劉

香閩素有不逞之患香乘之連犯閩廣沿海諸邑文燦
令參政洪雲蒸往賊舟宣諭被執芝龍乃合廣東兵
擊香于遠洋香脅雲蒸止兵雲蒸大呼曰我矢死報國
等孽勿失遂遇害芝龍兵進香勢蹙遂自焚死其家屬
請浙江降洪雲蒸長沙人海氛漸息芝龍尋擢副總兵數以海
利交通權要浸以貴顯

革廣寧及薊鎮塞外諸部歲賞

先是廣寧塞外綽哈諾木圖古雲舊作貴英今改及薊鎮喀爾

沁三十六家歲授撫賞至是盡革去之會歲饑諸部請

粟復不許因是攜貳我

大清悉收用之。

寧遠兵變。

川湖兵戍寧遠者缺餉四月大譟餘十三營起應之縛
巡撫畢自肅總兵官朱梅于譙樓自肅上疏自劾脫走
中左所自經督師袁崇煥聞變馳至捕斬首亂餘撫定
之請令祖大壽遼東人仍駐錦州中軍副將何可綱遼東人
隨已駐寧遠而移薊鎮趙率教于關門遂罷寧遠及登
萊巡撫時度支大絀錦州薊鎮兵相繼譁戶部尚書畢
自巖字景會淄川人言一歲之出浮于所入一百一十三萬有
奇而內供召買不與焉帝命羣臣各陳所見自巖摺其

謂兵向兵譟索餉而餉絀
明至崇禎之世國計道不
可問然當時濟池未甚憂
延荒札未聞遍及何至歲
入輒告不充蓋由諸司浮
冒居多侵漁無忌即轉饒
饋邊亦半餉于墨吏債帥
之手又復上下蒙庇稽核
不嚴以致持籌時形支
絀耳畢自巖自擊時艱當
慎出入以節竄耗乃焚札
條故智思畿田增課搜括

可者先後列上十增鹽引議鼓鑄括雜稅覈隱田增關課
皆瑣屑權宜之計民以重困

九月京師地震。

冬十月劉鴻訓冤尋遣戍。

先是魏忠賢雖收其黨猶滿朝言路新進者羣起擊之
諸執政李國禛等故嘗事忠賢不敢有所別白鴻訓至
閣毅然主持次第斥楊維垣李恒茂楊所修孫之獬獬之
為侍講聞要典將毀請閣力爭且阮大鍼等人情大快
備哭天下笑之之獬淄川人。而蔡奸餘黨恨刺骨帝數召見廷臣鴻訓應對獨敏謂
民困由吏治失請帝久任責成帝嘉納之至是惠安伯
張慶臻偉曾孫總督京營敕內有兼轄捕營語提督鄭其

心以非舊例舊例督京營者不轄巡捕軍論之命覈中書改救之故

下舍人田嘉璧獄而給事中李覺斯廣州東莞人言事由兵

部具藁送輔臣審定中書繕寫兵部及輔臣皆當問帝

心疑其事乃御便殿問諸閣臣皆云不知帝怒令廷臣

劾奏于是覺斯言慶臻納賄御史吳玉壽陽人言鴻訓主

使而帝閱兵部揭有鴻訓批西司房語帝意謂事已大

著即令內閣擬旨閣臣合詞申辨不納遂落鴻訓職謫

戍代州兵部尙書王在晉削籍慶臻以世臣停祿三年

後鴻訓卒于戍所肅王時復官

十一月召對廷臣于文華殿禮部侍郎錢謙益字受之常熟人以

罪削職都給事中章允儒南昌人等降謫有差

詔會推閣臣廷臣列吏部侍郎成基命字時之大名太及謙益

等名以上時同推者鄭以偉李騰芳孫慎行何如龍薛

人鄭以偉字子器上饒人何如龍字康侯桐城人薛三省字魯淑定海人羅喻義益陽人禮部尙

書溫體仁字長卿烏程人以無素望不與侍郎周延儒字玉繩宜興人

方奏對稱旨先是湖州兵譁袁崇煥請給餉帝召問諸

敵今且防兵寧遠譁餉之錦州譁復餉之名邊效尤祭

將安給帝曰卿謂如何延儒曰事迫不得不發但當求

經久之策帝悅曰卿言是也降旨責羣臣越數日復召

問延儒曰餉莫如粟山海積粟不缺也缺銀耳何故譁

安知非譎弁構賜以魯崇煥邪帝方疑邊將要挾聞延儒言復悅曰卿言是也此屬意延儒亦弗及

體仁揣帝意必疑遂上疏訐謙益前典試浙江關節受

賄不當與閣臣選謙益于天啟二年典試浙江有奸人

一朝平步上青天每分置七義結尾授舉子錢千秋遂

中式千秋本能文本房薦擬第一主司抑置第四外為

錢謙益附節一事其為雖不可知然前此草率且獄時體仁已官禮部何不聞特疏糾陳乃因不與廷雅輒假公道之名潛行積

保元時敏所賣與之聞事傳京師為部科磨勘者所發謙益大駭即具疏劾二奸及千秋俱下吏論成謙益亦每俸二奸尋斃千秋遇赦釋還事已七年矣至是帝果體仁以枚卜不與疑謙益實沮之遂復發其事帝果心動次日召對閣部科道諸臣于文華殿命體仁謙益皆至謙益不虞體仁之劾已也辭頗屈而體仁盛氣詆謙益言如泉湧因進曰臣職非言官不可言會推不與宜避嫌不言但枚卜大典宗社安危所係謙益結黨受賄舉朝無一人言者臣不忍見皇上孤立于上是以不得不言帝久疑廷臣植黨聞體仁言輒稱善而執政皆言謙益無罪吏科都給事中章允儒爭尤力且言體仁熱中缺望如謙益當糾何俟今日體仁曰前此謙益皆聞曹令者科之正為朝廷慎用人耳如允儒言乃真黨也允儒曰黨之說小人以陷君子天啟朝可嚙帝怒令禮部進千秋卷責謙益謙益引罪帝嘆曰微體仁朕幾誤遂叱允儒下獄并切責諸大臣特大臣無助體仁者獨延儒奏曰會推名雖公主持者止一二人餘皆不敢言即言徒取禍耳且千秋自有成案不必復問帝乃即日罷謙益官議罪坐杖論贖允儒及給事中瞿式耜字起用常熟人御史房可壯益都人等皆坐謙益黨降謫有差千秋復逮問荷校死

之謙益言皆屬實為解尤為其辭辭避殊不思科曰重罰名器希緣于進犯即宜懲以如所言則謙益或不與枚卜竟可不加窮治而未察散秩皆可聽其公歸乎如此閃爍支離其言尚深信而取實之甚矣其蔽也

十二月韓爌復入閣

先是五月詔遣行人召爌及是始至會帝以錢謙益事悉置廷推者不用遂命爌復為首輔時劉鴻訓方被重聽體仁既託錢謙益御史毛九華任贊化亦疏託體仁帝再召內閣九卿質之體仁力詆九華贊化為謙益

私黨帝以為然。秉燭召熿等于內殿。謂進言者不憂國而植黨。當重繩以法。熿退。具揭言。人臣不可以黨事君。人君亦不可以黨疑臣。但當論其才品臧否。職業修廢。而黜陟之。若戈矛妄起于朝堂。眈域橫分于官府。非國之福也。不納。毛九華。掖縣人。任贊化。聞喜人。

陝西饑。流賊大起。流賊。始此。

先是關黨喬應甲。巡撫陝西。朱童蒙。巡撫延綏。皆貪黷。不恤民。又連歲大祲。白水賊王二。府谷賊王嘉允。宜川賊王左掛等。一時並起。攻城堡。殺官吏。安塞馬賊高迎祥。自稱闖王。饑民王大梁。自稱大梁王。聚眾應之。二邊饑軍亦羣起為盜。大吏惡聞賊。曰。此饑氓。徐自定耳。已而帝從給事中劉懋。臨潼人。議。裁驛站冗卒。事在明年。山陝游民仰驛糈者。無所得食。皆從賊。

己巳二年春正月。周道登罷。

道登嘗召對。帝問宰相須用讀書人。何解。對曰。容臣至閣中。檢閱回奏。帝有愠色。又問章奏內多有情面二字。何也。對曰。情面者。面情之謂。左右皆匿笑。道登前在禮部。多有爭執。及柄政後。排正人。庇私交。屢為言路所劾。帝悉下其章。廷議尚書王永光等言。所劾有據。遂放歸。

三月。定逆案。

詔定魏忠賢逆案。閣臣韓爌等不欲廣搜樹怨。列上者少。帝不懌。令以贊導。擁戴頌美。諂附為目。因曰。忠賢一內豎耳。苟非外廷助虐。何遽至此。且內廷同惡者亦當入。爌等以不知內侍為對。帝曰。豈皆不知。特畏任怨耳。

等受逆案定案書自
此止。數律好徒不至
網乃始則托言不知內
情。後復以法非所習。為詞
而王永光亦以不請刑名
自誇。實不計逆黨之朋謀
害政。實國法所難寬。願以
廣搜樹怨為度。而甘為之
容私曲徇其心。豈可復問

至光升等所定之案雖
若列無遺然其擬服上
刑者有已正辟之人
而皆在內者其說附亦
案內者大倫究不
定其罪而竟不
以昭明李
不得論于亡

閱日召入便殿案有布囊盛章奏甚夥指之曰此皆好
黨頌疏可案名悉入爨等知帝意不可回乃曰臣等職
在調旨三尺法非所習帝召吏部尚書王永光問之以
不習刑名對乃詔刑部尚書喬允升左都御史曹子沐
同審定于是案所羅列幾無脫遺至是上之帝親加裁
定自魏忠賢客氏依謀反大逆律磔死外以六等定罪
曰首逆同謀崔呈秀及魏良卿侯國興等六人俱立斬
曰交結近侍劉志選梁夢環倪文煥許顯純等十九人
俱斬秋後處決曰交結近侍次等魏廣微周應秋閻鳴
泰楊維垣等十一人及逆孽魏志德等三十五人俱充
軍曰詔附離戴大監李實等十五人亦俱充軍曰案結

近侍又次等高謙馮銓王紹徽等一百二十八人俱

坐徒三年贖為民曰交結近侍減等黃立極等四十四

人俱革職問住又于諸人姓名下各注所犯刑布中外

知之方案初定張瑞圖來宗道及賈繼春皆不以帝召見閣臣及允升于沐于平臺詰之閣臣等以瑞圖

宗道無實狀對帝曰瑞圖工書為忠賢所愛宗道為崔

呈秀父請卹典中有在天之靈語非實狀邪又問繼春

對曰繼春雖反覆然持論亦有可取帝

曰惟反覆故為真小人三人遂俱論徒

以楊鶴字修齡總督三邊軍務捕流賊

鶴初官僉都御史忤魏忠賢罷去帝即位復官進左副

都御史上言自大兵大疫加派熾仍小民之元氣傷遼

此相傾左照蜀喪師失律封疆之元氣傷擗神構黨彼

病初起逆闖乘之誅鋤善類士大夫之元氣傷譬如重

精臨軒面質或問之而未必盡知事下六曹或呼之而

未必立應致干聖怒數取譴訶竊以為過矣今一切民

前謂承天啟廢弛之後力
為但其所志不明加以多
疑偏執往往干預處委
前推尋小過或偶見搜求
巨惡轉任其廢所以賢
奸雜進刑賞乖方緣政朝



更定無定見其受病不在
精察之有餘而在英斷之
不足揚鶴乃托培養元氣
為名轉以事專勵精為太
適實為認真是不過懼大
權在上不能進所欲為遂
不顧他國之利害果如所
謂依法而為者則成則
必至焉夫無為而後已
神 震數之句

生國計吏治邊防宜取祖宗成法委任責成嚴為之程
寬為之地圖之以漸鎮之以靜何慮不臻太平哉報聞
關中寇熾總督缺人乃拜鶴兵部尚書總督軍務討賊
先是王大梁由畧陽逼漢中餘賊犯洛川淳化等十餘
州縣固原逃兵周大旺等掠涇陽富平及鶴至商洛道
參政劉應遇已先擊斬王于白水又追斬大梁于漢
南餘眾逃入山督糧道參議洪承疇泉州南安人亦擊破王
左掛幾擒之會副將賀虎臣保定人捕斬周大旺等賊渠
多就誅滅鶴不能撫綏于是繼起者益眾延安榆林間
隨處皆賊故事總督大臣率用邊撫知兵者鶴素不膺
後遂一意主撫卒以此敗

夏五月乙酉朔日食

帝以日食失驗欲罪臺官時大統歷推食三分二十四
秒徐光啟依西法預推順天府食二分有奇應天食六
分有奇瓊州食既大寧以北不食至期光啟法驗大統
回回歷皆疎回回歷出西域洪武禮部尚書徐光啟
中置科隸欽天監與大統法參用禮部尚書徐光啟
言臺官測候本郭守敬法元時嘗當食不食無怪今日
之失宜及時修治參用西法光啟以歲差環轉歲實參
宿有本行月五星有本輪日月有真會視會皆古所未
聞惟西法有之宜取其歷法參互考訂與大統法會同
歸從之詔西洋人龍華民推步光啟為監督華民卒更
代西法之行自此始西洋新法其初大約與回回歷相
六十秒一日十二時時八刻刻十五分有聞日無聞月
迨入中國又通融中法始復置閏月之類窮推詳測益
加精密于是授時
大統之說漸細

六月袁崇煥殺總兵官毛文龍于雙島在今奉天府寧
海縣西南海中

崇煥素弗善文龍。大學士錢龍錫以崇煥召對時。有五
 年復遼語。因造寓詢方畧。崇煥曰。恢復當自東江始。文
 龍可用則用之。不可用則處之。易易耳。比崇煥莅鎮。文
 龍來謁。接以賓禮。文龍不讓。崇煥益不悅。遂決意誅之。
 至是以關兵為名。泛海抵雙島。文龍來會。崇煥與相燕
 飲。每至夜分。文龍不覺也。崇煥議更營制。設監司。文龍
 怫然。崇煥以歸。漸動之。文龍曰。向有此意。但惟我知東
 事。東事畢。朝鮮衰弱。可襲而有也。崇煥滋不懌。遂以六
 月五日。邀文龍觀將士射。先設檝山上。令參將謝尚政
 等伏甲士。帳外。文龍至。其部卒不得上。崇煥曰。予請朝
 行。公當海外。重寄。受予一拜。拜畢。登山。因詰文龍違令

崇煥雖有才畧而粗
 率自用。前此下臺召對已
 為人所不。漸至毛文龍雖
 不願。初未顯。然跋扈
 崇煥即欲加裁。制要自有
 在。馭之方縱。罪在當誅。亦
 應命于上。乃以禮節微
 嫌。亂行誘殺。其事擲之罪
 載。後之殺曲端為更甚。
 莊烈既心駭其事。非但不
 加責備。且優旨。都聞實
 詭。馭將之體節。因事委

數事。文龍抗辨。崇煥厲聲叱之。命去冠帶。繫縛。文龍
 倔強。崇煥數以十二罪當斬。數畢。文龍不能言。但叩頭
 乞免。崇煥召諭其從官曰。文龍罪狀。當斬否。皆惶怖。唯
 唯。中有稱文龍數年勞苦者。崇煥叱退之。乃頓首請旨。
 出尚方劍。斬文龍于帳前。然後出諭其部卒曰。誅止文
 龍。餘無罪。皆不敢動。分其兵為四協。以文龍子承祚及
 副將陳繼盛等領之。遂還其狀。以上。帝驟聞意殊駭。既
 念文龍已死。方任崇煥。乃優旨褒答。崇煥又上言。東江
 不能更置帥。即以副將繼盛攝之。于計便。又慮部下為
 變。請增餉銀至十八萬。帝皆報可。自文龍專閩海外。前
 後章奏。或多虛張失實。部下健兒。勁卒不下二萬餘。崇

芳切亦何至廢法濫恩
若此且崇煥于東江重鎮
不復議置帥臣致屬眾益
孤劉與治遂據以滋亂而
備部下為帥請增給餉
銀雖後此親呈謂論奏終
不能除虛糜之弊崇煥之
指置詎方大畏可知其烈
悉為報可而不復加籌度
崇煥自撰更司概見矣

煥恐其跋扈難制故必欲殺之然東江屹然巨鎮自文
龍死勢日衰弱且烏弁失主帥心漸攜益不可用其後
致有叛去者明年參將劉興治殺陳繼盛等十一人以叛。

秋八月總督雲貴川湖廣西軍務朱燾元平水西蠻

先是土三善遇害貴州官軍屢為安邦彥所敗廷議以
川師不協助宜令一人統之時蔡復一為貴州總督但轄雲貴兩廣而不及四川

復一嘗遣總理魯欽搗織金賊巢繫山開道攀藤穿竇而人斬首千餘級窮搜不得邦彥而還復一以鄰境不協計致賊未滅請救四川出兵為犄角詔可之已而欽為賊所乘兵潰復一自刎遂罷去蔡復一字敬夫同安人魯欽長清人乃晉燾元兵部尚書總督五省軍駐遵義事在

天啟五年明年燾元略賊黨殺奢寅寅凶淫日甚有阿引者受燾元金乘寅醉殺之崇明年老無能為邦彥亦乞撫燾元聞于朝許之未幾

燾元以父喪去賊復熾帝元年起燾元故官兼撫貴州

至是燾元徵雲南兵下烏撒四川兵出永寧下畢節而

自率大兵駐陸廣遠大方貴州總兵許成名由永寧復

赤水明衛在大定府畢節縣西與四川敘永廳接界以赤水河名今廢邦彥與崇明合

眾十餘萬來攻燾元令成名佯退誘賊而遣兵三路搗

其巢四川總兵侯良柱字朝石永寧衛人副使劉可訓澧州人遇

賊于永寧與成名合擊大破之斬崇明邦彥俘數千人

積年巨寇始盡自崇明邦彥相繼作亂雲貴諸苗出沒為患副使朱家民與許成名等討平盤

江以外諸蠻相度要害築城置戍廬井畢備道途晏然又以盤江枯雲貴交兩崖壁立水深無底廣三十餘丈乃仿瀾滄橋制置鐵索鐵柱橫木為板橋建度樓築月城以護之遂為永利朱家民字同人曲靖人盤江註見前盤江橋在南籠府安南縣東亦曰鐵索橋

冬十一月我

大清兵下遵化。

我

太宗文皇帝親督大軍入龍井關以蒙古喀爾沁台吉布爾噶

圖曾受賞入邊用為嚮導遂攻克洪山口在遵化州北少東有關城

別將克大安口在遵化州西北亦有關城會于遵化山海關總兵官

趙率教人援戰死全軍覆沒率教馳抵三屯營總兵朱國彥不令人遂戰死已城

將破國彥冠帶西向稽首與妻張氏並投繯死三屯營在遵化州東今設副將駐守巡撫王元

雅太原及保定推官李獻明時獻明以察核官庫在城或曰此邑非君所轄去無

罪獻明正色曰莫非王土安敢見危避難獻明字思皇壽光人永平推官何天球東

人理遵化軍餉遵化知縣徐澤字兌若襄陽人前任知縣武起潛字用

人等憑城拒守城破皆死之教諭曲毓齡中軍彭文炳守備徐聯芳並

太宗文皇帝嘉元雅忠命賜棺殮閱日燕京始得報帝乃延

臣于平臺諮方畧侍郎周延儒言本兵備禦疎勿調度

乖張檢討項煜長洲人繼之且曰世宗斬一丁汝夔將士

震悚疆敵宵遁帝領之遂下尚書王洽臨邑人于獄洽雅

望而應變非所長帝方惡廷臣玩闕故于洽不少貸未幾竟庚死

以成基命為禮部尚書兼東閣大學士預機務召孫承宗

復為兵部尚書兼中極殿大學士視師通州

基命請速召還故輔承宗任以兵事帝然之乃即命基

命入閣而立召承宗至入對具陳方畧帝稱善曰卿且

為朕保護京師承宗出漏下二十刻矣即周閱都城五

鼓而畢。復出閱重城。明日夜半。忽傳旨守通州。時烽火徧郊。承宗從二十七騎。疾馳抵通州。門者幾不納。既入城。與保定巡撫解經傳韓城人。御史方大任桐城人。總兵官楊國棟登陴固守。而以間復馬蘭在遵化州西北。有關城。今為馬蘭鎮。設總

兵官。三屯二城。

總兵官滿桂督師袁崇煥先後入援。

時

大清兵越薊州而西。徇三河。擊走宣大援兵。遂下順義。我

太宗文皇帝命傳諭各城。諭曰。兩國此葉赫而戕害我。大恨有

天與師。

天直我國。賜我河東地。我

太祖皇帝。願和好。兩國不從。我知終不相容。告

師而來。順者撫逆者誅。天運從我。我

于城北土城關之東。總兵官滿桂入援。以五千騎先至。

屯德勝門外。

大兵至。桂進戰。城上發大礮。佐之。誤傷桂軍。桂亦負傷。帝

遣中官勞以羊酒。令入休甕城。崇煥聞警。即帥祖大壽

何可綱等入衛。所過諸城皆留兵以守。既至京師。帝甚

喜。命盡統諸道援軍。與桂。大壽俱召見平臺。慰勞備至。

崇煥請入城休兵。不許。請屯兵外城。如滿桂例。亦不許。

詔天下鎮巡官勤王。

于是宣大總督及宣府保定河南山東山西各巡撫皆

奏帥師入衛。詔應天鳳陽陝西鄖陽浙江巡撫俱勤王。

已而山西援兵潰于良鄉。逮巡撫耿如杞、總兵官張鴻功下獄。

十二月，下督師袁崇煥于獄。總兵官祖大壽擁眾奔出關。

初，崇煥嘗建議請和，欲藉此緩師，以修理故疆。我

大清方有事朝鮮，亦欲假是以阻其兵，因得一意東討。乃

遣使以書相往來。已而崇煥奉旨戒諭，言路亦以為非

計。事尋止。後崇煥復以書詢錢龍錫、龍錫亦沮之。及

大清兵深入，所破隘口皆薊遼總督劉策字範董，武定人所轄。崇

煥千里赴援，自謂有功無罪。然都人驟遭兵，怨謗紛起。

謂崇煥擁兵坐視，朝士因前通和議，誣其召兵脅和，將

為城下之盟。帝頗聞之，不能無惑。會崇煥營沙窩門外

伏兵隘口，我

大軍分道夾擊，盡殲之。崇煥復移營城東南隅，豎立柵木

大軍列陣逼營，不戰而還。會我

大清設間，令所獲宦官知之。時大軍先獲明宦官二人，令副將高鴻中等守之。及是

鴻中等承

太宗文皇帝密計。十二宦官前作耳語于今日撤兵。乃

上計也。頃見

上單騎向敵，敵有二人來見，語良久乃去。意袁巡撫有密約，事

可立就矣。時楊太監者，伴歸竊聽悉誌其言，遂陰縱使去。其人奔告于帝，帝遂信之。

不疑，召見崇煥及大壽于平臺，詰崇煥以殺毛文龍故

且責其援兵逗遛，縛付詔獄。成基命叩頭，請慎重者再

帝曰：慎重即因循，何益？基命復叩頭曰：兵臨城下，非他

時比，帝不省。大壽在旁股慄，懼并誅。出即與何可綱擁

眾東走，毀山海關去，遠近大震。大壽先嘗坐事當死，願

崇煥救免。基命言于帝，就獄中取崇煥手書招之。督師孫承宗亦遣馬世龍追撫。世龍先以罪繫獄，時已釋出，立功自効。密令上章自列，且立功贖督師罪。大壽如其言，帝優旨答之。命承宗移鎮關門，大壽斂兵待命。可綱亦歸。

我

大清兵薄永定門，武經畧滿桂及總兵官孫祖壽。字必之，昌平人。俱戰歿。

我

大清兵既薄京城，諸貝勒大臣等咸請進攻。

太宗文皇帝不許，兩遣使齎書議和，遂自德勝門移營南苑。已而分兵下固安，克良鄉，知縣党還醇。字子貞，原人。死之。教諭安上

建訓導李廷表與史史之棟驛丞楊其禮皆死焉。回軍至盧溝橋，副總兵申甫結車營以拒。

大清兵繞出其後，盡殲之。申甫者，僧也。好談兵，私製戰車，見取其車，人覽即擢副總兵。令募新軍，改聲御史監之。甫舍召募，皆市井游手，軍裝戎器，又不時給及戰，御車者皆惶懼不能轉戰，殆盡。甫亦陣亡。金聲字正希，保寧人。遂南薄永定門，時以

袁崇煥下獄，特設文武兩經畧，以尚書梁廷棟。郟陵人。及滿桂為之。屯西直安定二門，帝趣桂出師。桂言眾寡勢殊，未可輕戰，中使趣之急，不得已，乃督孫祖壽等移營南城外三里許，列柵以待。明日昧爽

大清以精騎四面蹙之。桂及祖壽等戰不支，遂俱歿。京師大震。時帝不視朝，傳旨辦布囊八百，中官競獻馬騾。又令百官進馬，順天府尹劉宗周曰：是必有以遷幸。

錢龍錫阻抑邪黨立身
高有可稱至崇煥擅殺
高帥豈關龍錫手謀且當
時未罪擅殺之人顧事
後輒因過再一言坐局外
者以發蹤指示豈為平允
好人借端杯擊使徇往往
如斯烈始猶戒勿苛求
迨再疏力攻遂不免意殺
色動放還未久遽繫旋加
幾至沈寃西出前此能延
神之獄楊至詩坐以羨芬
須身壯烈豈無聞見何辜
小教九羅織竟不一加深
系耶

動上者乃疏言國勢疆弱視人心安危乞延見百僚論
以固守外無他計俯伏待報自晨迄暮中官傳旨乃退
劉宗周字
起東山陰人

錢龍錫罷

御史高捷寧晉人史蘆清苑人本閣黨王永光引用之頗為

龍錫所扼兩人因是大恨方袁崇煥之殺毛文龍也報

疏有輔臣龍錫為此一事低徊過臣寓語而崇煥欲成

和議又嘗以書商于龍錫及是崇煥已下獄捷蘆遂上

言以通款殺將皆龍錫發蹤指示宜與崇煥並罪帝以

龍錫忠慎戒無過求龍錫抗章申辨捷蘆再疏力攻詞

益危切帝意頗動龍錫再辨引疾乃即放歸時兵事方

棘未暇竟也

以周延儒何如寵錢象坤字宏會稽為禮部尚書兼東閣

大學士預機務

延儒性機警善伺意指以會推不預與溫體仁比數為

言者所劾帝不聽特命入閣時都人築點者請以私財

聚眾助官軍如寵力言其叵測會帝得偵事者報與如

寵言合由是受知象坤奉命守城神寒不懈帝覘知之

遂並命入閣

庚午三年春正月韓爌罷

中書舍人加尚寶卿原抱奇故由輸貴進以爌為袁崇煥座

主遂劾爌主和誤國宜與錢龍錫並罷帝重去爌貶抱

奇秩無何庶子丁進上虞人以遷擢愆期怨爌亦劾之而

明莊烈帝

工部主事李逢申。上海人。劾疏復繼上。曠三疏引疾歸。

後作相老成慎重。引正人。抑邪黨。天下稱其賢。初。熊廷弼既死。傳首九邊。廷弼不得歸葬。後其子請闕疏請。曠言于帝曰。廷弼之死。由逆閹欲殺楊漣。左光斗。証以行賄。因盡殺漣等。復懸坐廷弼。賊銀刑及妻孥。此冤之甚者。帝乃許收葬。

兵部侍郎劉之綸。字元誠。宜賓人。帥兵至遵化。敗歿。

之綸以庶吉士。書陳方畧。帝壯之。會金聲薦其知兵。帝即召見。奏對稱旨。超擢兵部侍郎。協理京營戎政。之綸未受任時。已貸數百金製木為西洋大小礮。又製獨輪火車。偏廂車。礮車。皆輕捷利用。而所請弓矢器甲。主者不以時應。所招死士。又不得衣裝賞犒。費之。綸以為言。且請精兵一萬。為進取計。帝亦不能盡從。時滿桂方戰歿。朝廷大震。之綸冒風雪。誓師前進。越通州而東。

大清兵亦已由通州東渡。克香河。進拔永平。副使鄭國昌。張鳳奇推官盧成功。教諭趙允。殖副總兵焦延慶。指揮張國翰。守備程應瑞。皆死。而鄉官廖汝欽。及武舉唐之俊等。死者復數十人。鄭國昌。援兵皆觀望。獨之綸奮前。

約總兵官馬世龍。吳自勉。趨永平牽制。而親率所部直抵遵化。距城八里。屯娘娘廟山。世龍等違約。

大清以三萬騎迎戰。兵交。之綸發火礮。頗有所擊傷。再發則礮炸。軍亂。左右請結陣徐退。之綸慨然曰。吾受天子厚恩。誓捐軀以報。戰不捷。死耳。敢言退者。斬。乃再戰。自辰至酉。士殊死力。鬪矢盡。短兵接。之綸知不可為。大呼曰。死死負天子恩。解佩印付家人。曰。持此歸報朝廷。俄



身被兩矢遂死。全軍盡歿。世龍等在薊州。竟擁兵不救。

二月。立子慈娘為皇太子。

三月。李標罷。

標在閣稍久。頗能隨事匡益。然時方爭門戶。帝亦深疑。

朝臣有黨。遂連疏乞休去。家屏五年卒。贈少傅諡文節。

夏五月。我

大清兵東歸。

先是我

大清兵既取遵化。永平。復拔遷安。灤州。知州楊皆留兵守。

之。遂分兵向山海關。守將官惟賢力戰。乃還攻撫寧。昌

黎皆不下。當是時。京師道梗。孫承宗。祖大壽在東馬世

龍及四方援軍。在西承宗募死士沿海達京師。始知關

城尚無恙。承宗遣將戍開平。營名在灤州西南。與豐潤

衛于復建昌。營名。今改路。在遷安縣界。明永樂初移開平聲援方接我。

大清復遺書議和。遂旋師。取道冷口。關名在遷安縣東北。而歸。承宗

始復四城。先取灤州。尋復遷安。遂入永平。復遵化。

六月。流賊陷府谷。

先是。陝西五鎮兵入援。延綏兵中道逃歸。甘肅兵譁而

懼。誅皆合于賊。巡撫張夢鯨憂憤死。詔以洪承疇代之。

起前總兵官杜文煥督延綏固原兵。便宜討賊。時王左

掛等方攻宜川。為官軍所蹙。文煥檄諭之。左掛及其黨

王子順。苗美等皆請降。獨王嘉允不受撫。其別賊從神

八。怯于用兵。每視招撫為策。正德間。馮中錫奏。

賊之軍前不遠流賊
四起伏莽漸多楊鶴受命
勦除不能加勇滅賊一
謀主撫軍皆諱不言
賈資委任迫賊聚流降
順既不審虛實之常又漫
無制馭之法但于城樓設
卓立誓山呼事同兒戲使
羣寇蔑視官軍以致癩潰
日深屢成大患其後陳奇
瑜熊文燾等復踵其謀賊
勢蔓延海內遂無寧宇惟
務苟安而昧決勝時積
習相沿逃而不悟而鶴實
疑寇之尤也

木渡河入山西陷蒲縣以下注俱見前分道東犯趙城洪洞汾
西及霍西掠石樓永和吉陽及是嘉允襲破黃甫川清
水木瓜三堡遂陷府谷據其城總督楊鶴方主撫匿不
奏遣官四出招賊于是王虎小紅狼一丈青掠地虎混
江龍等並就撫給免死卹安置延綏河曲間雖不焚殺
而淫掠如故又有神一元不沾泥可天飛郝臨菴紅軍
友點燈子李老柴混天猴本名張應金獨行狼諸賊所在蠶
起官軍東西奔擊旋撲旋熾終莫能盡而延安賊張獻
忠清施縣柳樹澗人嘗從軍隸延綏總兵王威麾下犯
法當斬他將陳洪範奇其狀貌請釋之已乃逃去
亦聚眾據十八寨稱八大王已而降賊王左掛謀以綏
德叛承疇誅之尋又與文煥擊破獻忠于清澗獻忠遁

去

以禮部尚書溫體仁吳宗達武進人中行從子並兼東閣大學士
預機務

體仁以訂錢謙益為時論所惡多發其陰事或言體仁
呈秀杭州建逆祠體仁作詩贈魏忠賢又或言體仁娶娼受金奪人產帝愈信體仁無黨
周延儒復援之遂與宗達並入閣

秋七月磔前督師尚書袁崇煥逮前文淵閣大學士錢龍
錫下獄尋遣戍

史董疏言龍錫主張崇煥賣國欺君秦檜莫過其出都
時以崇煥所昇重賄轉寄姻家巧為營脫帝怒勅刑官
五日內具獄獻上以斬帥為崇煥擅殺議和則龍錫未

許帝召諭廷臣于平臺置崇煥極刑藉其家無餘逮龍

錫下獄令廷臣議罪時羣小解名逆案者方日為翻案

計董等以龍錫故附東林欲借崇煥以及龍錫因龍錫

以及諸異已者指崇煥為逆首龍錫等為逆黨更立一

逆案與前案偶謀既定溫體仁王永光主之欲發自兵

部尚書梁廷棟憚帝英明不敢任而止乃議龍錫大辟

決不待時且用夏言故事設廠西市以待帝以龍錫無

逆謀令長繫中允黃道周字幼平復上疏申救道周忤

調外而帝久之帝意亦寢解乃減死戍定海衛道周秩

十二月增田賦

兵部尚書梁廷棟以兵食不足疏言民窮之故惟在官

貪使貪風一息即再加派民亦懽然帝命戶部協議前

書畢自嚴請畝加三釐于是增百六十五萬有奇合舊

所增凡六百八十餘萬海內愁怨明年給事中魏呈問

字中嚴龍溪人疏言驛站所裁未足充餉十一而郵傳益困勢

必再編之于民山海關中外兵舊額十八萬今只十萬

八千合薊門援兵非溢原額而餉乃日增不可不稽撫

按諸臣揭貲助餉大率索之于民不可不禁帝不能用

辛四年春正月延綏饑遣御史吳姓字鹿友賑之

秦海饑至是大禱山西以防河閉驪斗米銀六錢米脂

清澗延長綏德之民流亡從賊者十

之七邑帝特發帑金十萬命姓往賑且撫因荒從賊者

姓用西安推官吏可法字憲之如詔書從事人使之

民窮起于官令廷棟所言
不為無見然亦間然官貪
而此加派民之額額轉深
所為性然著效在茲則乎

明世宗皇帝

三月賊神一魁等請降楊鶴受之一魁尋叛

先是神一元陷保安副總兵張應昌擊敗之一元死弟

一魁領其眾圍慶陽陷合水唐縣今屬慶陽府鶴聞移駐寧州

一魁求撫別賊金翅鵬過天星獨頭虎上天龍等亦先

後降鶴設御座于城樓賊跪拜呼萬歲因宣聖諭令設

誓或歸伍或歸農賊佯許之立赦其罪鶴以一魁最強

致其增帳中與同卧起一魁果至數以十罪一魁

即宣詔赦之處其眾于寧塞鶴以賊黨茹成各

一魁所善劉金誘誅之其黨懼復挾一魁以

李老柴田近菴等攻陷中部上天龍獨行

州勢大熾一魁後為張應昌部將所獲誅死

夏四月旱

救羣臣修省

六月副總兵曹文詔大同人敗賊于河曲

自秦寇初起延綏以北為逃軍為邊盜延綏

寇為饑民邊盜則王嘉允土寇則王左掛為羣

而左掛伏誅嘉允復敗嘉允自黃甫川勾西人入犯洪承疇杜文煥擊破之

入賚山西自河曲至蒲津千五百里與秦中久據河曲接壤河身最狹賊渡河往來倏忽無定久據河曲

文詔絕其餉道困之嘉允遁去已復自岳陽突犯澤潞

為左右所殺其黨共推王自用號紫金梁者為首自用

結羣賊老獅獅曹操八金剛掃地王射場天闡正虎滿

天星破甲錐那紅狼蝎子塊混世王等及高迎祥張獻

忠皆聚山西而上天龍過天星亦來會共三十六營衆
二十餘萬米脂人李自成世居李繼遷寨幼牧羊長充驛夫善騎射關狼無賴數犯法知縣晏子賓將置諸死脫去爲屠迎祥甥也借兄子過往依之號闖將與獻忠等合

錢象坤罷

象坤溫體仁門生也體仁入遂讓而處其下然無所附
和及是御史水佳允鄞縣人劾兵部尚書梁廷棟廷棟不待旨即奏辨廷棟故出象坤門佳允疑象坤洩之語侵象坤周廷儒惡廷棟並惡象坤象坤遂引疾歸廷棟落職

秋八月我

大清兵圍大凌城

遼東巡撫卞永嘉貴州新添衛人議築廣寧義州右屯三城孫承宗謂廣寧道遠當先據右屯築城大凌河以漸而進遂以七月興工築甫竣我

大清兵已抵城下掘濠樹柵四面合圍別遣一軍截錦州大道城外墩臺皆下城中兵出悉敗還禾嘉聞之與總兵官吳襄遼東中後所人宋偉合軍赴援敗還復夜渡小凌河次長山在錦州府錦縣東南峯巒綿亘四山錯列因名連戰大潰監軍道張春字泰字及副將祖大樂等被執諸將張吉甫等戰歿總兵官祖大壽堅守不敢山城援自此絕至冬大凌糧盡食人馬



大清屢移書招之。大壽許諾。副將何可綱不從。大壽遂殺
可綱與副將張存仁等降于我。

大清大壽言妻子在錦州請歸設計誘降守者遂縱歸。大壽

入錦州未得問而未嘉知其納款狀具奏聞于朝帝于大壽欲羈縻之弗究也張春見執剛降不測久之乃死

何如寵罷

如寵官禮部時貧宗婚嫁格于有司者千餘人用如寵

言獲婚嫁者過千帝欲族袁崇煥以如寵言得免及入

閣為周延儒溫體仁所扼連疏乞罷歸久之卒。

九月復遣中官王應朝等監視諸邊軍餉張彝憲總理戶

工二部。

帝初盡撤鎮守中官委任大臣既見廷臣競門戶不足

倚乃復遣王應朝鄧希詔等監視關寧宣太山內軍馬

以彝憲有心計令鈞校戶工二部如涂文輔故事。文輔

賢黨大赦中總督太倉節慎吏部尚書閔洪學。馬程人

率廷臣力爭帝曰諸臣若殫心為國朕亦何藉內臣眾

不能對然諸監率多侵剋軍費臨陣先走戎務益壞

下楊鶴獄遣戍以洪承疇總督三邊軍務。

御史謝三賓。鄞縣人及巡按御史吳牲劾鶴主撫誤國逮

下獄戍袁州以承疇代

冬十月辛丑朔日食

十一月孫承宗罷

長山之敗言者論禾嘉及承宗築城起釁承宗遂引疾

歸禾嘉先已調南京太僕卿遂還京引疾歸

開月登州遊擊孔有德等反。

有德與耿仲明李九成皆毛文龍部曲文龍死走入登

州登萊巡撫孫元化字初陽嘉定縣人官遼久孫承宗袁崇煥俱辟為贊畫以前

推巡撫素言遼人可用乃以有德仲明為遊擊九成亦

為偏裨大凌圍急元化遣有德等赴援抵吳橋天大雨

雪眾無所得食一卒與諸生角有德笞之眾大譁九成

先賞銀市馬塞上。用盡無以還適至聞眾怨遂與其子

應元帥部卒劫有德有德從之還兵大掠陷陵縣臨邑

商河殘齊東圍德平既而舍去陷青城元縣今屬武定府新城

亦元縣今屬濟南府而新城受禍尤酷知縣秦三輔訓導王協中禦之並死初新城邑紳王

承春有莊在吳橋有德屯兵其地卒或攫雞犬以食王

氏子怒請之有德有德答率以向遂以敵變支賊至新

秦三輔三原人山東巡撫余大成江寧人聞變遣

兵往禦連敗乃移兵追賊而元化軍亦至與大成皆力

主撫檄賊所過郡縣無邀擊于是賊佯許元化降遂抵

登州元化遣將張燾率遊兵駐城外總兵官張可大字觀

甫世襲南京羽林衛指揮發南兵拒賊戰方勝燾遽退可大兵遂敗

燾兵半降賊遣歸為內應士民爭請弗容入元化不從

中軍耿仲明都司陳光福等又舉火導賊自東門入城

遂陷事在明年正月元化自刎不殊與同城各官俱執惟可大

死之殺其妾陳氏自縊于署有德乃推九成為主已次之仲明又

次之用巡撫關防檄州縣兵餉而令元化移書大成求

登州元化遣將張燾率遊兵駐城外總兵官張可大
甫世襲南京羽林衛指揮發南兵拒賊戰方勝燾遽退可大兵遂敗
燾兵半降賊遣歸為內應士民爭請弗容入元化不從
中軍耿仲明都司陳光福等又舉火導賊自東門入城
遂陷元化自刎不殊與同城各官俱執惟可大
死之有德乃推九成為主已次之仲明又
次之用巡撫關防檄州縣兵餉而令元化移書大成求
歸禾嘉先已調南京太僕卿遂還京引疾歸
開月登州遊擊孔有德等反
有德與耿仲明李九成皆毛文龍部曲文龍死走入登
州登萊巡撫孫元化官遼久
推巡撫素言遼人可用乃以有德仲明為遊擊九成亦
為偏裨大凌圍急元化遣有德等赴援抵吳橋天大雨
雪眾無所得食一卒與諸生角有德笞之眾大譁九成
先賞銀市馬塞上用盡無以還適至聞眾怨遂與其子
應元帥部卒劫有德有德從之還兵大掠陷陵縣臨邑
商河殘齊東圍德平既而舍去陷青城新城亦元縣而新城受禍尤酷

欽定四庫全書

撫大成聞于朝為言官所劾帝革大成元化職候勘元化
尋為賊縱航海歸與大成俱下獄大成論成元化棄市
元化故與徐光啟善光啟與周延儒國救之卒不得
五年春正月延綏賊陷宜君鄜州

先是降賊夜襲甘泉河西道張允登漢川人遇害允登與
永固嬰城拒守知縣郭及是混天猴偽為米商至宜君知縣不
知聽之入城遂陷尋復陷鄜州兵備僉事郭應響死之

時曹文詔方于稷山擊斬點燈子即趙四兒名勝往來
沁水之寶莊莊有城故殉難副使張銓里居也明銓子
道濬道濬皆官京師家將棄去銓妻霍氏曰避賊而出
不保出而遇賊身不保等死死于家不愈死于野
弟率僮僕共守殺賊甚眾賊不能克而退其北道王肇
生表曰夫人城點燈子尋為師還耀臨洮總兵官乃與
文詔所敗遁去被獲伏誅

巡撫練國事字君豫永城人總兵官楊嘉謨等分道擊賊魏元
為守備馬科
部卒所斬

夏五月以禮部尚書鄭以偉徐光啟並兼東閣大學士領
機傍

以偉讀書過目不忘而不能稟擬章疏中有何况二字
誤以為人名也擬旨提問帝駭改始悟自是詞臣為帝

所輕遂論館員須歷外僚而閣臣自是不專用翰林光
啟雅負經濟才有志用世及入閣年已老周延儒濫體

仁專政不能有所建白明年以偉光啟相繼卒御史以
郵以媿食墨以偉得諡一人蓋稱之曰襄無餘贊請優
文恪光啟得諡文定

六月京師大雨水
秋七月以太監曹化淳提督京營戎政

八月總兵官曹文詔等連敗賊于平涼慶陽。

先是文詔與遊擊左光先等分剿綏德宜君清澗米脂

諸賊皆大捷掃地主投首神一魁餘黨紅軍友李都司

杜三楊老柴等屯鎮原將犯平涼巡撫練國事檄甘肅

總兵楊嘉謨副將王性善扼之賊走慶陽文詔從鄜州

間道至與嘉謨性善合大戰西壕若各在平涼府鎮原縣北斬千級

生擒杜三楊老柴餘黨糾他賊破華亭隋縣今屬平涼府攻莊

浪注見前文詔嘉謨掩擊縱反問給其黨殺紅軍友蹙敗

之水落城在平涼府莊浪縣東南金置縣于此元省追至靜寧州注見前賊奔

據唐毛山在延安府保安縣西北與慶陽府安化縣接界遊擊曹變蛟文詔先

登殄其眾至是可天飛郝臨菴劉道江獨行退李都司

等連兵圍合水注見前文詔往救賊匿精銳以千騎遊戰

誘抵南原伏大起城上人驚疑相告曰曹將軍沒矣而

文詔馳矛左右突匹馬縈萬眾中諸軍望見夾擊賊大

敗僵屍蔽野餘眾走銅川橋在安化縣西大敗之越日文詔

復與寧夏總兵賀虎臣固原總兵楊騏破賊于甘泉之

虎兕凹會總督洪承疇帥次平涼擊斬可天飛李都司

降白廣恩餘賊分竄者文詔追蹙之耀州錐子山其黨

殺獨行狼郝臨菴以降承疇戮四百人餘皆散遣關中

巨寇畧盡文詔在陝大小數十戰巡撫范復哲論奏首功第一而洪承疇抑不敘巡按御史吳甦推

獎甚至復粹復為上疏兵部抑其功卒不敘復粹登州府黃縣人

以朱大典字延之金華人督軍討登萊賊

初。余大成孫元化既論罪。朝廷以徐從治為山東巡撫。

謝璉字君實。監利人。為登萊巡撫並駐萊州。詔先命璉駐萊州。

食從治以駐青不足鎮萊人心。駐萊時賊先已破黃縣。

足係全齊命。乃與璉並受事于萊。知縣陳所聞拒守。城破。還

賊死。世揚。洛陽人。陷平度。不屈死。所聞。文安人。還

益兵攻萊。從治璉與總兵楊御蕃肇基子。分陴固守。久之。

外圍日急。諸援兵俱屯昌邑。不敢進。從治時以間出兵。

掩擊。頗有斬獲。而兵部尚書熊明遇惑撫議。以主事張

國臣為贊畫。往撫諭。從治毋遽出兵。壞撫局。從治力言

不可。三上疏于朝。語極切至。朝議以兩撫臣並困圍中。

乃議設總督。以侍郎劉宇烈絳州人。任之。統馬步軍二萬

五千。勢甚盛。而宇烈素無籌畧。日遣使講撫。賊亦以撫

愚之。已而賊用元化所製西洋大礮攻城。從治中礮死。

萊城益危。越兩月。璉復為賊所誘。出城被執。時萊城已

偽約降。期請文武官出城開讀。即解而去。璉不得已。與

知府朱萬年同出。獨御蕃不從。賊見連伴即頭湧。遂

擁以去。即攻城。令萬年呼降。萬年厲聲曰。吾死矣。汝等

宜固守。且呼御蕃急。以大礮擊賊。萬年遂遇害。御蕃連

發礮傷賊頗多。賊稍退。朱萬年。聚千人。于是舉朝痛憤。詔逮宇烈下獄。罷

尚書明遇。遂絕撫議。罷總督。及登萊巡撫。不設專任。大

典督主客兵數萬。及關外勁旅四千八百餘人。合勦之。

總兵金國奇。副將靳國臣。參將祖寬。及前總兵吳襄子三桂。皆屬焉。以中官高起潛監護

軍。會討德州。副將牟文綬馳救平度。殺賊魁陳有時。至

昌邑。斬國臣。祖寬為前鋒。有德逆戰于沙河。有二。一在黃縣。一在

俱人海。寬殊死鬪。國臣繼之。賊大敗。諸軍乘勝追至

城下賊夜半東遊萊州圍解守者疑賊誘以礮拒起潛
遣中使入諭闔城相慶越日國奇等進兵黃縣斬賊首
萬三千俘八百有奇逃散及墜海死者無算賊竄歸登
州官軍築長圍守之。

九月流賊連陷山西州縣。

先是賊將高迎祥羅汝才即曹張獻忠等分道四出連

陷大寧隰州澤州壽陽諸州縣與下注全晉震動部議

令宣大總督張宗衡臨清駐平陽巡撫許鼎臣武進駐

汾州分地守禦已而李卑字侍平賀人龍米脂艾萬年

米脂將關中兵至鼎臣檄以自從宗衡怒其不從已檄

之還三將莫之適從賊乘間入據磨盤山一名連枝山

在汾州府臨縣分其眾為三間正虎據交城窺太原邢紅狼于天龍

據吳城在汾州府孝義縣西南賊國時魏梁張獻忠突沁州武鄉陷遼州

六年春正月命曹文詔節制山陝諸將討賊

關中賊稍盡悉走入山西御史張宸極言文詔威名夙

著今秦賊滅且盡宜勅令入晉協勦帝從之遂有是命

文詔東渡河抵霍州敗賊汾河孟縣追及于壽陽巡撫

許鼎臣遣謀士張宰先大軍嘗賊賊驚潰文詔追擊之

斬混世王餘黨為遊擊猛如虎本塞外降逐走遇文詔

兵于方山在壽陽縣東北壁立千仞復敗五臺孟定襄

壽陽賊盡平鼎臣令文詔軍平定備太原東張應昌軍

汾州備太原西文詔連敗賊太谷范村榆社太原賊幾盡已而文詔復破賊澤州又襲潤城斬賊千五百有奇紫金梁老獬獬自榆社走武鄉過天星走高澤山文詔皆擊敗之賊避其鋒多流入河北

二月流賊犯畿南河北鎮名在懷慶府河內縣東北為豫晉

賊自山西分道踰太行掠濟源清化內縣東北為豫晉

地修武圍懷慶官軍擊之遁走別賊復闌入西山大掠順德真定間大名兵備副使盧象昇字建斗宜興人力戰却

之賊遂自邢臺摩天嶺在彰德府武安縣西北與山西遼州接界西下抵武

安先是副將左良玉字崑山臨清人敗賊于沙縣之西嘯及是

與賊戰武安良玉大敗河北三府所屬縣焚劫殆遍潞

王名常湯簡王翊鏐子上疏告急詔遣總兵倪龍王樸率京營兵

六千赴河南而以中官楊進朝盧九德等監諸將軍命

曹文詔自山西移師會討文詔敗賊懷慶賊其魁淡地

龍又追破老獬獬于濟源而諸將李甲艾萬年湯九州

石泉鄧玘四川人及良玉等會文詔兵先後與賊戰皆勝

之未幾帝勅諸將速平賊限以三月而文詔為巡按御

史劉令譽所劾調大同總兵初文詔在洪洞與里居御

河南文詔與見語復相失令譽遂撫他事劾之部議文

詔怙勢而驕調之大同賊所憚惟文詔既去益無忌矣

官軍復登州山東平

登州城三面距山一面距海其北有水城與大城相接

開水門以通海船賊恃此可走故不下及被圍久李九

成出城搏戰官軍賊之于陣賊渠五已殲其二五人者李九成

曹文詔勇無前威名反曹嵩中山右勳賦屢著成勞師其移師會討畿南亦每戰克捷諸將之足以當賊者實無出其右且方勅以魏期平賊正宜聽其乘銳建功劉令譽乃以纖芥首端撫詞妄劾實為挾私公部議又不權事理輕重因巡按一言核之他如未幾而縱使渡河賜甚悔亦何及明奉重輕武以救宗社却嗚呼怪矣

孔有德。耿仲明。毛永祿。陳有時也。氣大沮。至是祖寬等
有時。先已就戮。及是。九成亦死。奪其水門外護牆。蓋大懼有德。載子女財帛先出海。仲
明以軍舸繼之。皆遁。官軍遂入大城。攻水城不下。遊擊
劉良佐。獻轟城策。匿人永福寺中。穴城置火藥。轟之城
崩。官軍遂入。賊退保蓬萊閣。在府城北丹崖山下。建朱大
典。招之。始釋甲。俘千餘人。自縊及投海死甚衆。有德等
走旅順。島帥黃龍。遼東人。邀擊。擒毛承祿。陳光福等。斬九
成子應元。惟有德。仲明逸去。乃獻承祿于朝。磔之。有德
仲明俱降于我。

大清。

夏六月。周延儒罷。

延儒爲首輔。溫體仁欲奪其位。務爲柔佞。取悅于帝。帝
漸向之。復曲謹以媚延儒。而陰伺其隙。延儒不知也。體
仁與王永光欲起逆案王之臣。呂純如。帝以之。臣問延
儒對曰。用之。臣亦可雪崔呈秀矣。帝悟而止。體仁益大
恨。會延儒子弟家人暴邑中。邑中民焚其廬。所用巡撫
孫元化復陷登州。于是言路交章。劾延儒。併謂其受巨
盜神一魁賄。帝意頗動。體仁復候給事中陳贊化。劾延
儒。叱武弁李元功。招搖罔利。且謂延儒至。謂陛下爲義
皇上人。語悖逆。帝大怒。下元功詔獄窮治。延儒覲體仁
爲援。體仁不應。延儒大窘。引疾歸。體仁遂爲首輔。延儒既罷
延臣惡體仁當國。勸帝復召何如龍。如龍固辭。給事中
王紹傑言。君子小人並立。如龍瞻顧不前。體仁宜思

自處帝為謫紹傑于外如寵卒解不入如寵
操行恬雅與物無競後卒福王時追諡文端
秋七月我

大清兵取旅順總兵官黃龍死之

孔有德耿仲明怒龍邀擊必欲報之會鴨綠江有警龍
遣水師往援旅順空虛有德等遂導

大清兵襲其城龍數戰皆敗火藥矢石俱盡自刎死李惟

鸞項祚臨樊化龍張廣鹿島在奉天府寧海副將尚可

喜故與龍相拈角龍既死亦降于

大清自是島上勢益孤久之將士多敗殺諸島雖有殘卒

九月以錢士升字抑之嘉善人為禮部尚書兼東閣大學士預機

務

士升故出錢龍錫門下龍錫出獄周延儒信之極言上

怒甚挽救殊艱龍錫深德延儒未幾溫體仁至龍錫述

延儒語且謝曰非公等安得生體仁佯曰上固不甚怒

也聞者直體仁而惡延儒士升以座主故因歸心體仁

體仁亦以士升鄉人遂引與共政

冬十一月以王應熊字非熊巴縣人何吾騶廣州香山並為禮部尚

書兼東閣大學士預機務

應熊熟諳典故而性剛狠溫體仁力援之遂與吾騶同

入閣

賊渡河陷漣池諸縣分掠南陽汝寧遂犯湖廣

賊盡集河北。高迎祥、李自成、張獻忠、羅汝才等俱至。左良玉、湯九州扼其前。京營兵蹙其後。賊連戰皆敗。欲逸阻于河。大困。乃詭辭乞降。監軍內臣楊進朝信之。為入奏。會天寒冰合。賊從毛家寨徑渡河南。軍無扼之者。遂陷澠池。伊陽盧氏巡撫元默靜海人。督軍禦之。賊竄盧氏山中。由間道入內鄉。大掠南陽。汝寧直走湖廣。所在告急。賊始起陝西。高迎祥最强。李自成屬焉。及渡河。自成始別為一軍。

戊申七年春正月。以陳奇瑜字玉鉉。保德州人。總督河南。山、陝、川、湖軍務。討流賊。

初。奇瑜巡撫延綏。分遣諸將擒斬諸賊渠金翅鵬、一條龍等著頭目。凡一百七十餘人。最後又克延水關。一名永寧關。在延安府延川縣東南。賊鑽天哨開山斧關負絕險。下臨黃河。賊恃其扼塞。屢攻不下。奇瑜潛師出賊不意。焚其巢。二賊俱。賊境內劇盜盡平。奇瑜威名大著。至是賊踰豫楚。廷議以諸撫領事權不一。請設大臣統之。乃進奇瑜兵部侍郎。總督五省軍務。專辦流賊。時又以大名道盧象昇知兵。命撫治鄭陽。賊自鄖陽渡漢。遂入四川。陷夔州。

賊渡漢。薄殺城。集六路諸賊。老獬、獬、過大星等。犯襄陽。分陷紫陽、明縣、正平、利、吉縣、今與紫陽、德中、置。俱屬興安州。南入四川。掠歸巴、彝、陵等六州縣。遂陷夔州。署府事同知何承光貴州鎮遠人。死之。時副使以下皆逃。承光督吏民城守。力竭無援。城遂陷。承光整冠帶危坐。賊入殺之。自賊起陝西。轉寇山西、河南、湖廣、四川。摧陷州縣數十。未有破大郡。

者夔州地稱天險。及是失守。遠近震動。賊既陷夔州。又犯大寧。知縣高

日臨被執。罵賊不屈。賊碎其體而焚之。訓導高錫及妻

女。巡檢陳國俊及妻皆遇害。又陷巫山。通江。巡檢郭贊

化陣歿。指揮王永年。田實守備郭震辰。皆力戰死。惟梁

山以里居中書涂原。集鄉勇伏密箐間。川竹畚囊石。乘

高擊之。傅毒弩矢。血濡縷。輒斃賊多死。傷遂退去。高日臨字儼若。鄱陽人。

三月丁亥朔日食。

夏四月。山西陝西饑。

山西自去年八月不雨。至于是月。大饑。人相食。陝西亦

大旱。詔發帑賑之。

六月。陳奇瑜圍賊于車箱峽。峽在興安州界。非華

縣南之車箱谷也。賊偽降。

奇瑜縱遣之。賊復叛。陷所過州縣。

先是。張獻忠等十三營。流突漢南。而別賊之入四川者

亦以阻險。復還鄖陽。分其軍為三。

一。向商南。奇瑜乃馳至均州。檄陝西。練國

事。鄖陽。盧象昇。河

南。元默。湖廣。唐暉。四巡撫以兵遏其四面。而奇瑜偕象

昇督將士。由竹谿。至平利之烏林關。十餘戰。大破之。斬

三千餘級。別將鄧玘等分道擊賊。復連勝。擒其魁十餘

人。又令參將賀人龍等。追至紫陽。凡八晝夜。賊死者萬

餘。賊見官軍盛。大懼。獻忠奔商雒。高迎祥。李自成等悉

遁入興安州之車箱峽。峽四山巉立。中亘四十里。易入

難出。賊誤入其中。山上居民下石擊。或投以炬火。且用

石塞其口。路絕。無所得食。困甚。又大雨二旬。弓矢盡脫。

馬乏芻。死者過半。自成急。用其黨顧君恩謀。以重寶賂

奇瑜左右及諸將帥偽請降奇瑜意輕賊有驕色遂遠許之先後籍三萬六千餘人悉遣歸農每百人以一安撫官護之檄所過州縣具糗糧傳送賊甫出峽即大譟盡殺安撫五十餘人屠所過七州縣略陽賊數萬亦來會關中大震

秋七月我

大清兵入上方堡至宣府京師戒嚴

我

太宗文皇帝親征察哈爾其宰桑巴圖魯噶爾瑪濟農等率眾降因旋師入邊四路並進自宣府趨應州進略大同克靈邱保安攻下城堡無數總督張宗衡總兵曹文詔張

全昌等不敢戰我

大清兵下萬全左衛始班師宗衡及全昌文詔皆坐遣戍

以巡撫吳甦言留全昌文詔為援勦總兵討流賊

冬十一月逮陳奇瑜下獄以洪承疇代之

給事中顧國寶御史傅永淳交章劾奇瑜受賄縱賊詔

錦衣官逮訛而以洪承疇代時賊已蔓延不可撲滅大

學士溫體仁謂山西巡撫吳甦曰流賊癰疥疾不足憂

也奇瑜罪當死有庇之者未幾謫戍邊

賊自陝西出犯河南

賊聚陝西至二十餘萬高迎祥李自成蹂鞏昌平涼臨

洮鳳翔諸府數十州縣敗賀人龍張天禮軍殺固原道

溫體仁巧詐阻深貌為公
以嚴賢植黨為事甚至
計民生皆漠然置之不
問已為誤國罪首至流賊
橫行日久聞帥覆轍相尋
其藥滋深雖董孺亦知
為治焉無日乃體仁並未
聞有勦盜深謀指劇寇
為癰疥癘隱憂于度外真
不復少具人心莊烈備聽

生好尚加信倚崇禎十七
年之問相更五十而體仁
儉居位八年終致傾危其
挽亡國之君各賢其臣于
禮仁又何貴焉

卷之三十四

陸夢龍賊陷隆德夢龍帥遊擊賀其勳都司石崇德
圍不得出夢龍大呼奮擊手敵數人與二將俱戰死時
隆德令費彥方以城陷被執不屈死費彥方字爾英
浙江崇德人圍隴州四十餘日洪承疇檄總兵左光先與人
龍合擊大破之會朝廷命豫楚晉蜀兵四道入陝迎祥

自成遂竄入終南山已而東出陷靈寶汜水滎陽時左

良玉扼新安澠池坐甲自保而賊傳其且至乃移壁梅

山在開封府新鄭縣西北漆水注見前問良玉實不至也賊每營數

飽馬一日夜馳數百里官軍饋餉不繼且馬少故多畏

賊良玉前在懷慶與督撫議不協因是生心緩追養寇

督撫檄調亦不時應

乙亥八年春正月詔洪承疇出潼關討賊賊聞承疇出關大會于滎陽老獬曹操革裏眼左金

王改世王射場大橫天王混十萬過天星九條龍順天

王及高迎祥李自成時尙與迎祥合張獻忠兵十三家七十二營

議敵官軍未決李自成進口匹夫猶奮况十萬眾乎官

兵無能為也宜分定所向利鈍聽之天皆曰善乃議革

裏眼左金王當川湖兵橫天王混十萬當陝兵過天星

扼河上綴河南兵迎祥獻忠及自成略東方老獬九

條龍往來策應陝兵銳益以射場天改世王所破城邑

子女玉帛惟均眾如自成言始迎祥與獻忠並起比肩

而自成乃迎祥支黨及是遂相頡頏與俱東掠江北兵

單弱霍邱先陷縣丞張有俊教諭倪可穎州繼之知州

尹夢鰲雲南太和人通判趙士寬字汝良掖縣人皆拒賊不敵投水

死夢益多遂投城下烏龍潭死弟姪七人從之士寬于城

李攜三女登樓自焚僕王丹亦罵賊死致仕尚書張

鶴鳴及其弟副使鶴騰子大同一門皆死賊執鶴鳴兄

鳴于樹皆罵賊不絕口死其他官紳士庶死難者共一百三人衛指揮李

從師王廷俊千戶孫升田三震羅元慶田得民王之麟

及中書舍人田之穎知縣劉道遠光祿寺丞李生白訓

導丁嘉遇舉人白精忠郭三杰諸生劉廷傳廷石韓光

祖及子定策孫日曠皆死之有檀之槐者護母柩不去

與賊格鬪殺數人被磔死城中婦人殉節者二十七人烈女八人一

時忠烈稱獨盛城破後亦無一人向賊乞憐者賊怒遂

屠之

賊陷鳳陽留守朱國相補林等戰死

先是南京兵部尚書呂維祺注見前懼賊南下請防護鳳

陽陵寢不報及是賊自壽州犯鳳陽國相帥指揮袁瑞

徵呂承膺等以兵三千迎戰頗有斬獲俄賊數萬至官

軍敗國相自刎死餘皆陣歿賊遂犯皇陵大肆焚掠知府

顏容暄推官萬文英死之漕運都御史楊一鵬在淮

容暄漳浦人文英南昌人安遠不及救帝聞變素服避殿逮一鵬下獄棄市賊合

樂大飲自成從獻忠求皇陵小閣善鼓吹者獻忠不與

自成怒偕迎祥西趨歸德復謀入關獻忠獨東陷廬江

里居參政盧謙命服危坐中門賊至不動屠巢無為潛

遂殺之舉人張受畢尹周亦皆不屈死山太湖知縣金應元自經死宿松

夏五月吳宗達罷

宗達在閣值溫體仁專政充位而已及是乞歸

六月賊復走陝西總兵官曹文詔戰死。

初洪承疇出關至信陽諸將畢會賊見河南兵盛復分

路奔還陝西張獻忠由英霍取道麻城入陝會高迎祥

李自成于鳳翔與官軍遇副將入萬年柳國鎮等戰歿

文詔聞信急詣承疇請行承疇言曰非將軍不能滅此

賊顧吾兵已分無可策應者將軍行吾將由涇陽趨淳

化爲後勁文詔乃以三千人自寧州進遇賊真寧唐縣今屬

慶陽之湫頭鎮在縣東即九域志之顯聖鎮也從子變蛟先登斬首五

百追三十里文詔率步兵繼之賊伏數萬騎合圍矢蝟

集賊不知爲文詔也有小卒縛急大呼曰將軍救我賊

中叛卒識之某賊曰此曹總兵也賊喜圍益急文詔左

右跳盪手擊殺數十人轉鬪數里力不支拔刀自刎死

遊擊平安以下死者二十餘人賊乘勝掠地火照西安

一城中承疇力遮之涇陽三原間賊不得過文詔忠勇冠時稱良將弟

一其死後賊中爲相慶帝聞之深爲痛悼賜祭葬世蔭指揮僉事有司建祠春秋致祭本朝賜專諡忠果

秋七月以文震孟張至發注見前並爲禮部侍郎兼東閣大

學士預機務

震孟在講筵每因事規諫帝數逮繫大臣震孟講魯論

君使臣以禮反覆陳說帝爲出尚書喬允升侍郎胡世

賞于獄帝嘗足加于膝適講五子之歌至爲人上者奈

何不敬以目視帝足帝卽袖掩之徐爲引下賊焚鳳陽

陵寢震孟歷陳致亂之源謂當事諸臣不能憂國奉公

不仕... 卷之二十一

一統之朝。強分畛域。又言陛下宜行撫綏實政。先收人心。以遏寇盜。徐議濬財之源。毋徒竭澤而漁。語多切中。時弊。至是帝將增置閣臣。以翰林不習世務。思用他官。參之。召廷臣數十人。各授一疏。令票擬。震孟引疾。不入。至發所擬。獨當。帝特擢至發。與孟並入閣。初至發由知縣行取。授禮部主事。累遷光祿卿。精覈積弊。多所釐正。遂受帝知。旋陞刑部右侍郎。明代自世宗朝許讚後。由外僚入閣。自至發始。

賊復東犯。總兵官尤世威榆林衛人。敗績。

賊為洪承疇所遮。獻忠將由藍田走盧氏。復扼于世威。仍入商雒山中。參將徐來朝所部三千人。不肯入山大。謀賊至。來朝逃。一軍盡沒。世威遁。暴露。大疫。與賊戰。

失利。敗走。賊遂出關。分十三營東犯。惟高迎祥、李自成

留陝西事。聞命解世威任。後宣大總督盧象昇言。世威善撫士。曉軍機。徒以數千客

旅。久成荒山。水土失調。疾疫大作。遂致失利。今當用兵時。棄之可惜。乃命赴象昇軍自效。

八月。以盧象昇總理江北、河南、山東、湖廣、四川軍務。討流

賊。

賊已蔓延半天下。洪承疇一人不能顧。乃擢象昇總理

承疇辦西北。象昇辦東南。尋進象昇兵部侍郎。加總督

山西、陝西。賜尚方劍。

九月。洪承疇破賊于渭南。

象昇既加總督。詔令督關外。而承疇督關中。時迎祥自成亦分兵迎祥。畧武功。扶風。以西自成略富平、三原。以

明莊烈帝 卷之二十一 三七

東承疇遣將追自成小捷至醴泉賊將高傑米脂人通于

自成妻邢氏邢氏趨武多智掌軍資每日支糧仗傑輒過氏營分合符驗氏偉傑貌與之私通

懼誅挾之來降承疇復身追自成大戰渭南臨潼自成

大敗東走迎祥亦屢敗東逾華陰南原絕嶺與自成偕

出朱陽關左陝州盧氏縣西與獻忠合

王應熊罷

應熊為楊一鵬所取士一鵬得罪言者并劾應熊遂引

罪乞歸

冬十一月何吾騶文震孟罷

震孟與溫體仁不合給事中許譽卿以鳳陽皇陵被焚

劾體仁誤國體仁憾甚會有劾譽卿為人營求遷擢者

體仁擬旨斥譽卿為民吾騶震孟力爭帝責二人徇私

撓亂並罷之體仁伎橫而中阻深所欲推薦陰令人發端而已承其後欲排陷則故為寬假中止

所忌激使自怒帝往往為之移初未嘗有迹

賊陷陝州攻洛陽

賊薄閩鄉左良玉祖寬禦之不克遂陷陝州攻洛陽良

玉從巡撫陳必謙赴援獻忠走嵩縣迎祥自成走偃師

鞏縣略魯山葉縣陷光州會象昇白湖廣帥師至谷寬

等擊敗之于確山

丙子九年春正月盧象昇敗賊于滁州

是時賊勢猖獗諸將率畏懼不前象昇每慷慨灑泣激

以忠義軍中嘗絕三日餉象昇亦水漿不入口以是得

將士心戰輒有功時師次鳳陽諸將來會象昇乃上言曰賊橫而後調兵賊多而後增兵是為後局兵至而後議餉兵集而後請餉是為危形况請餉未敷兵將從賊而為寇是八年來所請之兵皆賊黨所用之餉皆盜糧也又言總督總理宜有專兵專餉請調咸寧甘固之兵屬總督薊遼關寧之兵屬總理又言各直省撫臣俱有封疆重任母得一有賊警即求援求調不應貽秦越也分應之何以支持又言臺諫諸臣不問難易不顧死生專一求全責備雖有長材從何展布臣與督臣有勦法無堵法有戰法無守法其言皆切中事宜而朝廷不能盡用也會迎祥圍廬州不能破分道陷含山和州知州黎宏

業訓導唐工諫在籍御史馬如蛟皆死之宏業顯德人如蛟字騰仲州人進圍滁州象昇

聞警即率總兵祖寬遊擊羅岱軍馳抵滁城下鏖戰賊

大潰追斬無數伏屍蔽野滁水赤流數里賊乃趨鳳陽

圍壽州突頰霍蕭礪靈璧虹窺單曹總兵劉澤清曹州人

拒河乃掠考城儀封而西其犯毫者折入歸德永寧總

兵官祖大樂邀擊之賊乃北向開封陳永福敗之朱仙

鎮賊遂走登封與他賊合分趨裕州南陽象昇合寬大

樂岱兵大戰七頂山亦曰七峯山在裕州北殲自成精騎殆盡

以前禮部侍郎林鈺原官兼東閣大學士預機務

初鈺以忤魏忠賢去忠賢誅起官至禮部侍郎謝病歸

至是與劉宗周同召見帝問人才兵食及流寇狀宗周

言陛下求治太急用法太嚴布令太煩進退天下士太輕故有人而無人之用又問兵事宗周言禦外以治內為本願陛下以堯舜之心行堯舜之政則天下自平矣帝迂其言命鈺以原官入閣

二月山西饑人相食

寧夏兵亂殺巡撫王楫泰安州人

寧夏兵苦饑楫不能措餉兵譟而殺之副使丁啟睿永城人捕斬首惡六人乃定

以武舉陳啟新淮安人為給事中

啟新上書言天下有三大病士子作文高談孝弟仁義及服官恣行奸慝此科目之病也國初典史授都御史

明施至此已非設談科目
容得志者謂其文所能裨
補萬一况啟新以武舉上
書其疾視科目者皆然

一混打白馬之私
人遂避非烈之意以一時
官寮積習中外迄無定倚
之人因而緣人答法謂一
切取士程材都無實濟是
以言者聽者狎如針芥之
投迫至敗檢逃官為世笑
病尚自無足深責耳

秀才授尚書嘉靖時猶三途並用今惟一途一舉進士橫行放誕此資格之病也舊制給事御史教官得為之今惟用進士知縣監司郡守承奉不暇此行取考選之病也請停利目罷行取考選以除積弊蠲災傷田賦以蘇民困專拜大將以便宜行事帝大悅擢吏科給事中朝士深惡之紛然論劾帝皆不聽後啟新以受賊匪喪削籍下撫按追賊竟

三月賊高迎祥李自成復入陝

迎祥自成自敗于象昇後分部再入陝迎祥由鄖襄趨興安漢中自成由南山穿商維走延綏犯鞏昌北境諸將左光先曹變蛟破之自成走環縣未幾官軍敗于羅

家山在興寧縣東盡亡土馬器仗總兵俞翀霄被執自成勢

復振

夏四月我

太宗文皇帝建國號曰大清改元崇德元年

我

太宗文皇帝繼承丕緒勵精圖治規模宏遠伐叛撫降平定察

哈爾先是遼東有鴉鳩來集此鳥乃西北蒙古所產人皆謂蒙古歸順之兆既而我

大兵西征察哈爾至西喇珠爾格索諾木台吉等率眾請

降遂進至林丹汗子額哲所居之托里圖按兵不動遣

人往諭額哲之母遂借其子舉及薩哈勒察卦勒察瓦

爾喀呼爾哈暨蒙古各部落靡不懷德畏威稟承教令

攻城畧地所向成功國勢滋隆人心嚮附諸貝勒大臣

等請上尊號

太宗文皇帝固辭不允諸臣再三陳請乃受

建

寬溫仁聖皇帝尊號建國號曰大清改元為崇德元年時制度大備

天壇如典禮復定宮殿名正殿為崇政殿後為清寧宮臺東

太廟悉如典禮復定宮殿名正殿為崇政殿後為清寧宮臺東

太宗御翔鳳樓召諸王大臣入令從官讀金世宗本紀因諭之

日金太祖太宗法度詳明可垂久遠至熙宗赫拉及完

顏亮之世盡廢之盤樂無度效漢人之陋習世宗即位

勤求治理屢以無忘祖宗為訓衣服言語悉遵舊制時

時練習騎射以備武功雖垂訓如此後世之君漸至懈

廢忘其騎射至于哀宗國遂滅亡乃知凡為君

者耽于酒色未有不亡者也爾等其謹識之

罷錢士升削御史詹爾字思吉籍撫安人

時溫體仁以刻覈導帝士升獻四箴大指謂寬以御眾

為戶部名輸官與樂人
國門何異當時聚田增賦
勢以峻合苛求小人希指
生風遂敢以搜括之策肆
行入言錢士升擬有提問
亦欲加懲劄以警妄言耳
乃莊烈覽疏既斥以沽名
復聽其引退初不以括富
為非故轉覺正言逆耳國
臣危尚不知為國聞留
氣非自從決亡而

簡以臨下虛以宅心平以出政帝優旨報聞而意不悅
有武生李璉者請括江南富戶令報名輸官士升擬旨
下刑部提問上疏言郡邑有富家固貧民衣食之資未
嘗無益于國周禮荒政十二保富居一今秦晉楚豫已
無寧宇獨江南數郡稍安此議一倡無賴亡命相率而
與富家為難矣帝報曰即欲沽名前疏已足前疏謂四
歲也士升引罪乞罷許之爾選謂輔臣不當以進言去
因言帝行一切苟且之政帝面加詰責命錦衣提下爾
選叩頭曰臣死不足惜願陛下姑留臣言以為他日思
帝大怒諸臣力救乃斥為民
六月林針卒以孔貞運池州建德人賀逢聖字克齋江夏人黃士俊廣東

順德人為禮部尚書兼東閣大學士預機務

逢聖性廉靜初官翰林湖廣建魏忠賢生祠或傳上梁
支出逢聖手忠賢詰謝逢聖曰無之借銜陋習爾翼日
遂削籍帝即位召還至是與貞運士俊俱入閣三人皆
不能有所匡益

秋七月我

大清兵入塞

大清兵入喜峯口巡關御史王肇坤拒戰死由間道至昌

平總兵官巢丕昌降督餉主事王桂趙悅署州事通判
王禹佐學正解懷亮訓導常時光守備成貞吉皆死
之王桂連下畿內州縣下順義知縣上官蓋自縊遊
黃岡人擊治國器指揮蘇時雨訓導
陳所蘊皆死之下寶坻知縣趙國鼎與主簿樊樞典史
張六師訓導趙士秀同死下定典在籍太常少卿鹿善

郵此後重鑑錄 卷之二十四 明莊烈帝

行打學不... 卷之二十一

繼不屈死。教諭熊嘉志亦死之。下安肅。知縣鄭延任。與妻同殉。教諭耿三麟亦死之。上官蓋字忠赤。曲沃人。趙國鼎。山西樂平人。熊嘉志。灤州人。乃詔諸鎮兵入援。給人。鄭延任。臨清人。耿三麟。靈壽人。事中王家彥。莆田人。以陵寢震驚。劾兵部尚書張鳳翼。鳳翼自請督師。命與中官羅惟寧。宣大總督梁廷棟。相犄角。然皆不敢戰。

陝西巡撫孫傳庭。字伯雅。振武衛人。擊高迎祥于盤屋。擒之。送京師。伏誅。

傳庭代洪承疇為巡撫。銳意滅賊。賊首整齊王據商維。傳庭檄副將羅尙文擊斬之。又督賀人龍等擒迎祥于黑水峪。一名芒谷。在盤屋縣東南。獻俘闕下。磔死賊黨。乃共推李自成為闖王。

論廷臣助餉

未幾。又括助戚文武諸臣馬。開銀鐵銅鉛諸礦。

八月。唐王聿鍵。太祖九世孫。起兵勤王。廢為庶人。銅之。

先是流賊起。王蠲金築南陽城。又援潞藩例。乞增兵三千人。不許。至是京師戒嚴。王倡義勤王。詔切責之。行至裕州。與流賊遇。亡其內豎二人。事定。下部議廢為庶人。幽之鳳陽。

我

請兵東歸。

九月。以盧象昇總督宣大山西軍務。

象昇奉詔入衛。至己解嚴。會梁廷棟卒。命代為總督。宣

御比天長通鑑

卷之二十一 明莊烈帝

豐

大素苦缺餉象昇乃大興屯利行二年積穀至二十萬
帝諭九邊奉以為式

冬十月削前工部侍郎劉宗周籍

宗周累疏陳時政語多激切為溫體仁所忌請告去至
天津聞京師被兵留不行上疏極言體仁奸邪致刑政
乖舛及宦官不宜總軍務凡數百言帝怒斥為民

御批歷代通鑑輯覽卷之一百十五

明

莊烈帝

丁崇禎十年春正月辛丑朔日食

賊犯安慶

張獻忠糾羅汝才馬守應劉國能即闖等自襄陽東下

其江北賊革裏眼左金玉合烽火達淮揚南京兵部尙

書范景文操江都御史王道直總兵楊御蕃分汛固守

安池道史可法親率兵當賊衝賊遂從間道犯安慶連

營百里詔左良玉馬謙劉良佐合兵往援皆大破賊賊

走潛山太湖山中巡撫張國維字玉筍檄良玉搜山不

應尋北去賊復出太湖敗官軍於
店殺參將程龍
陳于王等四十餘人遂陷和州含山定
八合攻天長
破盱眙良王令河南士民合疏留已竟不赴援已而總
兵牟文綬偕良佐來赴賊始遁獻忠入湖廣

二月我

大清兵下朝鮮

先是我

大清往征朝鮮攻克義州渡嘉山江進薄平壤朝鮮空城
遁去國王李倬遣使請受盟因許其通和而還既而朝
鮮復屢背約陰持兩端我

太宗文皇帝乃親統大軍征之長驅直入遂克王城國王李倬

逃于南漢山城

大軍圍之其妻子羣臣盡被俘獲已而漢江口濱海之地

及江華島城

在朝鮮國開州東北海中

復為

大軍所取倬勢益窮蹙乃上明所給勅印奉表出降

朝鮮既降

皮島益孤孔有德耿仲明尚可喜夾攻之副總兵金日觀力戰死皮島遂為

大清所取

三月起楊嗣昌為兵部尚書

嗣昌以父憂在籍會尚書張鳳翼卒帝顧廷臣無可任者乃以嗣昌為之嗣昌博涉文史多識先朝故事有才酬對敏捷帝以為能所奏請無不從嗣昌議大舉平賊分各省官軍為四正六隅謂之
之綱總督總理

二臣隨賊所向征討因議增兵十二萬增餉二百八十萬措餉之策有四曰因糧

因舊額量加畝輸六合石折銀八錢傷地不與歲得銀百九十二萬曰溢地

土田溢原額者核實輸賦歲得銀四十萬六千有奇曰事例

輪費為曰驛遞

前此郵驛裁省之議上帝下詔有暫累

吾民一年除此腹心大患語改因糧為均輸布告天下

尋以武臣驕惰逮戮失事總兵王忠張全昌惟左良玉

以六合破賊功載罪自贖

夏四月以熊文燦為兵部尚書兼都察院右副都御史總

理南畿河南山西陝西湖廣四川軍務

文燦官閩廣久帝未識其為人因遣中使假廣西采辦

名往覘之既至文燦甚有所贈遺留飲十日中使喜語

及中原寇亂文燦方中酒擊案罵曰諸臣誤國耳若文

燦往詎令鼠輩至是中使起立曰吾非往廣西采辦也

銜上命覘公公信有當世才非公不足辦此賊吾今還

公旦夕且召文燦出不意悔失言隨言有五難四不可

中使曰吾見上自請之若上無所吝即公不得辭矣文

燦詞窮曰諾中使還朝果言之于帝初文燦自貴州

徙家廣西

姚明恭為姻明恭官詹事與楊嗣昌

相善嗣昌得帝眷以帝急欲平賊規引一人自

助明恭薦文燦且曰此有內援可引也嗣昌遂薦之

至是帝以文燦總理南畿五省軍務文燦拜命即請左

良玉所將六千人為已軍而大募粵人及烏蠻精火器

其何足信况文燦酒
且熱不過浮誕狂談其
胸中本無定見爾奴德其
當遺專務揄揚難烈更因
則其借內援薦引摠總軍
務卒致庸劣價贖當時國
勢將傾即值簡賢能猶恐
難勝扶危之選而朝廷求
才大臣推舉皆取必于宦
官豈得不益促其滅亡乎

者一二千人以自護弓刀甲冑甚整次廬山高所善僧
誤矣。文燦屏人問故僧曰。公自度所將兵。定制賊死命
乎。曰。不能。曰。諸將有可屬大事。當一面。不煩指揮而定
者乎。曰。未知何如也。曰。二者既不能當賊。上特以名使
公厚責望。一不效。誅矣。文燦却立良久。曰。撫之何如。僧
曰。吾測公必撫。然流寇非海
寇比。公其慎之。文燦乃辭去。抵安慶。良玉桀驁不受節
制。其下與粵軍不和大。訴文燦不得已。遣還南兵。然良
玉軍實不為用。嗣昌言于帝。乃以邊將馮舉。苗有才。兵
五千人。隸焉。已而京營將黃得功
京衛人。連破賊兵
威甚振。當是時。嗣昌建四正六隅之策。增兵餉大半。期
滅賊。賊頗懼。及文燦至京。軍屢捷。益懼。文燦顧決計招
撫。刊檄徧懸。通都帝聞之。怒。嚴旨譴責。嗣昌為救。乃解
六月。溫體仁罷。

體仁在閣八年。日與異己者為仇。帝以為樸忠。恩禮無
與比。體仁自念排擠者眾。恐眾怨歸己。倡言密勿不宜
宣洩。閣揭皆不發。亦不存錄。故所中傷人不能盡知。廷
臣劾之者。先後不可勝計。布衣楊光先至。與觀上奏。帝
益謂其孤立。罪責言者。或至杖死。至是常熟人張漢儒
訐錢謙益。瞿式耜居鄉不法事。先是。庶吉士張溥。知縣
相應。和里人陸文聲者。輸費為監生。求入社。不許。因詣
闕言。風俗之弊。皆原于士子。溥。承為主盟。倡復社。亂天
下。體仁下其事于提學御史倪元珙。兵備叅議馮元履
皆言復社無可罪。失體仁意。俱被降謫。于是復有張漢
儒事。張溥。字天如。張采。字受先。俱太倉人。體仁故讐謙
人。倪元珙。上虞人。馮元履。字嗣賡。慈溪人。
益擬旨逮下詔獄。嚴訊謙益。危甚。求解于司禮太監曹
化淳。化淳故王安門下也。德謙益嘗為安作碑文。頗為

溫體仁前以枚下生嫌中
欲甘心謙益乃謙益怒而
走歸求解與援曹化淳復
因體仁密揭其私自請案
治悉舉其平日交關詭計
發覆無遺莊烈亦遂頓悟
好其德其引退以家廷臣
積年不能撼者一寺人不
轉瞬而遂之體仁固不足
道而當日黜陟大權徧徇
中官毀譽莊烈之察察適
成其積憤耳

營求漢儒偵知之與其黨告體仁體仁密奏帝請并坐
化淳罪帝以示化淳化淳懼自請案治乃盡得漢儒等
奸狀及體仁密謀獄上帝始悟體仁有黨詔下漢儒等
立枷死體仁乃佯引疾意帝必慰留及得旨竟放歸體
輔政數年念朝士多與為怨不敢恣肆用廉謹自結於
上苞苴不入門然當是時流寇踰畿輔擾中原邊境雜
沓民生日困未嘗建一策惟日與善類為仇其所引與
同列者皆庸材苟以充位且藉形已長固上寵帝每訪
兵餉事輒遂謝曰臣夙以文章待罪禁林上不知其驚
下懼至此位盜賊口一榮誠萬死不足塞責顧臣愚無
知但票擬勿欺耳兵食之事惟聖明裁決有詆其窺帝
意旨者體仁言臣票擬多未中窺要每經御筆批收頌
服將順不暇詎能窺上旨帝愈親信之及
得旨放歸體仁方食失匕箸歸踰年死

兩畿山西大旱山東河南

秋八月以劉宇亮綸竹人傳冠字元甫為禮部尚書薛國

觀韓城人為禮部侍郎並兼東閣大學士預機務

國觀為人陰鷲谿刻不學少文溫體仁因其素讐東林
密薦于帝遂致柄用時體仁雖去國而國觀與張至發
並效其所為蔽賢植黨國事日壞

冬十月李自成犯四川

自成窺蜀中空虛乘間陷寧羌破七盤關在保寧府廣

上分三道入蜀總兵官侯良柱禦之于綿州戰死遂連

陷昭化劍州梓潼江油黎雅青神進逼成都未幾洪承

疇督曹變蛟來援自成乃由洮州入番地官軍轉戰千

里不解甲者二十七晝夜自成引殘卒竄入岷州及西

河宋置州明改縣禮縣元置禮店縣明初改千戶所山

今縣屬秦州禮縣成化中置禮縣今縣屬秦州

明莊烈帝

中。

以中官曹化淳提督京營。

復以李明哲提督五軍營。杜勳提督神樞營。閣思印提督神機營。鄭良輔總理京城巡捕。

十一年春正月。裁南京冗官。

夏四月。張獻忠偽降。總理軍務熊文燦受之。

當是時。河南湖廣賊十五家。惟獻忠最狡黠。曉勅次則曹操。獻忠嘗偽為官兵。欲給宛城。左良玉適至。獻忠倉皇走。前鋒羅岱射之。中額。良玉馬亦及。刀拂獻忠。面馬

馳。以免。會熊文燦為總理。刊檄撫賊。圍塌天。與獻忠有卻。諸文燦降。獻忠創甚。不能戰。心內恐。至是傳陳洪範

隸總理麾下。為總兵。大喜。獻忠當死。洪範救之。事其前。因遣問齋重

幣。獻洪範。曰。獻忠蒙公大恩。得毋死。公豈忘之邪。願率

所部降。以自効。洪範亦喜。為告文燦。受其降。巡按御史

林銘球。廣東海豐人。分巡道王瑞栴。永嘉人。與良玉謀。俟獻忠

至。而執之。文燦不可。乃止。

張至發罷。

至發嘗疏。詆黃道周。頌溫體仁。屢為言者所劾。至是中

書舍人黃應恩。以賂請得罪。詞連至發。至發憤甚。連疏

請勘。帝優旨褒答。而下應恩獄。至發乃乞休。自引三當

去。未嘗稱疾也。忽得旨。回籍調理。時人傳笑。以為遵旨

患病云。至發頗清強。起外僚。諸翰林多不服。又始於惡。其已。不能收物情。帝亦以其望輕。即聽之去。後

發發破備位去留原

印七卷 明聖烈帝

不足為重輕且嘗試下類而納奸邪其人更無足取特是雅烈既擢之政府用舍自有權衡即知其體餘勳官亦當明示以罷免之故乃止因其以外廷起家為翰林所不服遂謂其望輕而棄之當時廷臣伐異黨固甚至把持朝局積習實可痛恨雅烈不能祛除轉視以進退閭草與

十四年帝思用舊臣特勅召周延儒賀逢聖及至發獨至發四疏辭十五年四月卒于家五月熒惑逆行至秋乃滅

帝素服減膳論諸臣修省

六月孔貞運罷

貞運先與黃士俊賀逢聖同相已而兩人相繼罷去士俊

十年十二月罷逢聖是年三月罷及是貞運代張至發為首輔會帝親

自考選諸臣卷下輔臣再閱貞運及薛國觀頗有所更

及命下閣觀悉不從而帝以所擇十八卷下部議行適

新御史羣謁朝房貞運言諸卷說多難行新御史遂有

劾之者貞運即引歸國變後貞運哭臨慟絕不能起未幾卒貞運至聖六十三代孫也

以楊嗣昌程國祥蔡國川金谿人為禮部尚書方逢年遂安人

范復粹黃縣人為禮部侍郎並兼東閣大學士預機務嗣昌

兼掌兵部

初國祥掌戶部議借都城賃舍租一年可得五十萬助

戚內官多匿不奏得僅十三萬然國祥由是得帝眷至

是與嗣昌等並入閣

兩畿山東河南大旱蝗

秋七月謫少詹事黃道周官

初遷安郭鞏以逆案謫戍其鄉人為訟寃楊嗣昌時巡

撫承牽聞于朝及奪情入閣又起復逆案陳新甲長安人

為總督于是言官相繼論之道周上三疏一劾嗣昌奪

情一劾新甲走邪徑一劾遼東巡撫方一藻歙縣人主和

議時道周已充日講官遷少詹事會廷推閣臣道周名

在列帝不用用嗣昌等帝疑道周怨望嗣昌復撫拾道

周前辭論德疏中有文章氣節不如鄭鄮字峯陽武進人振先子

語鄭方以逼父杖母為時詬病鄭鄮者故庶吉士與文

體仁憾震孟因劾鄮假札仙判詞逼父振先杖母言嗣

出其從母舅大學士吳宗達帝震怒不俟佐証磔死嗣

昌因言鄭杖母飛走不如今道周又不如鄭何用談綱

常為且其意徒欲庇凶徒遮前言之謬立心可知因自

乞罷免帝優旨慰之及是召內閣及諸大臣于平臺并

及道周帝與諸臣語所司事久之問道周曰此無所為

而為者謂之天理有所為而為者謂之人欲爾三疏適

當廷推不用時果然無所為乎道周對曰臣三疏皆為

國家綱常自信無所為帝曰先時何不言對曰先時猶

可不言至簡用後不言更無當言之帝曰清固美德

但不可傲物遂非且惟伯夷為聖之清若小廉曲謹是

廉非清也時道周所對不稱旨帝屢駁詰道周曰今日

獨立敢言之人少讒諂面諛之人多臣不得不言帝曰

昔孔子誅少正卯當時亦稱聞人止因言偽而辨行僻

而堅故不免聖人之誅今人多類此道周曰少正卯欺

世盜名心術不正故聖人誅之臣心正所行事皆正無

一毫私帝曰向以爾偏稍示裁抑後聞爾有操守旋復

官不圖恣肆乃爾本當按問念列講官始出候旨遂叱

之退是時帝憂兵事謂可屬大事者惟嗣昌破格用之

道周守經失帝意及奏對又不遜帝怒甚欲加以重罪念其名高乃傳諭數百言戒廷臣毋為道周劫持相朋黨貶道周六秩為江西按察司照磨

八月傅冠罷

時有章奏發自御前者冠以為揭帖援筆判其上既知誤惶恐引罪帝即放歸

九月戎

大清兵入塞燕京戒嚴

大清兵分路入墻子嶺青山口薊遼總督吳阿衡裕州人敗

死監視中官鄧希詔遁走遂深入抵牛欄山總監高起

潛兵敗遂由盧溝橋趨良鄉下畿輔城四十有八前大

學士高陽孫承宗

本朝賜諡忠定

一門殉節死子舉人鈗

官生鈗生員鈗鎮從子鍊及孫之沉之滂之源之浩之
德從孫之澈之漢之派之澤之澗之瀚皆戰死又同時
死節者知州則有深州知州孫士美及父訥一家從死
者十三人知縣則有任邱知縣白慧元亦一門俱死餘
如慶都知縣黃承宗靈壽知縣馮登鰲文安知縣王鏞
蠡縣知縣王采新河知縣崔賢鹽山知縣陳誌固城知
縣王九鼎青縣知縣張文煥與濟知縣錢珍慶雲知縣
陳緘等教官則有鉅鹿教諭唐一中蓋縣訓導馮大禩
吳橋訓導劉廷訓臨城訓導張純儒等鄉官則有喬若
雲李禎定李崇德董祚魏克家諸生則有桑開基等皆
以殉節死孫士美壽浦人白慧元清州人馮登鰲廣
州人王鏞武功人王采澤州人崔賢七陽人唐一中全
州人馮若雲臨城人歷充州知府罷歸李禎定任邱人
歷山西按察使罷歸李崇德青縣人歷戶部員外郎人
外郎董祚隆平舉人魏克家高陽人知鄒平縣又自德
州渡河下山東州縣十有六年事在明執德王由樞莊王
孫布政使張秉文字含之桐城人等死之先是楊嗣昌檄山

于是濟南空虛。巡按御史宋學朱方行部章邱開警。馳還。與秉文及副使周之訓參議鄧謙。監運使唐世熊等議守城。連章告急于朝。嗣昌無以應。及濟南被圍。秉文等分門死守。晝夜不解甲。援兵竟無至者。及城潰。秉文巷戰。破箭方不能支。死。妻友妾陳俱投大明湖死。學朱之訓謙。世熊。與濟南知府苟好善。同知陳虞允。通判熊烈。獻。歷城知縣韓承宣。臨邑知縣朱希堯。博平知縣張列。宿往平知縣黃建極。武城知縣李承芳。邱縣知縣高重光。及恩縣鄉官李應薦。歷城舉人劉光化。子漢。漢。皆主焉。時又有劉大年者。官兵部主事。奉使南京。還朝。道歷城。城破。亦死之。宋學朱。字川晦。長洲人。周之訓。黃剛人。鄧謙。字威人。唐世熊。灌陽人。苟好善。醴泉人。熊烈。獻。黃。破人。韓承宣。嶺之孫。高重光。字秀恒。保定縣人。劉大年。江西廣昌人。

詔盧象昇督兵勤王。

象昇遭父喪請守制未行。詔督山西總兵楊國柱。王樸。虎大威諸軍入援。時楊嗣昌忤情任中樞。與總臥中官高起潛陰主和議。象昇心非之。會召對平臺。帝慰勞之。

者以方略對言。命臣督師。臣意主戰。帝色變良久曰。和乃外廷議耳。象昇因奏備禦形勢甚悉。帝壯之。而戒象昇持重命。與嗣昌起潛等議。當是時帝心知大清兵銳甚。力不敵。而恥言和。故委廷議以答象昇。象昇出與兩人議不合。即日陛辭。嗣昌送之。屏左右。欲有言。久而不能出口。第丁寧毋輕戰而已。象昇念帝意頗銳。而事多為起潛撓。憤甚。疏請分兵。嗣昌定議宣大山西三帥屬象昇。關寧諸路屬起潛。象昇名督天下兵。實不及二萬。越數日。嗣昌至軍。象昇責以阻師。且曰。公等堅主和議。獨不思城下之盟。春秋所恥。長安口舌如鋒。恐袁崇煥之禍立見。嗣昌頰赤曰。公直以尚方劍加我矣。

象昇曰。既不奔喪。又不能戰。尚方劍當先加已頸。安得
加人。嗣昌曰。公毋以長安蜚語陷人。象昇曰。周元忠赴
邊講和。往來數日。其事始剴。鎮監督受成本兵。通國共
聞。誰可諱也。嗣昌語塞而去。元忠本替人。嘗賣卜于邊。多相識。故嗣昌遣之。然議
和事大。不得又數日。會起潛安定門。象昇大言。非血戰
無以盡臣職。起潛曰。恐野戰非我所長耳。兩人始終各
持一議。

洪承疇大破李自成于潼關。

先是自成復謀犯蜀。諸將馬科。賈人龍拒之。乃走漢中。
又為左光先所扼。其黨皆降。惟自成東遁。承疇命曹變
蛟窮追。設伏于潼關之南原。大破之。自成妻女俱失。從

文燦撫不士勳。惟圖苟
且息肩。安懦怯所見實
與鼠竄無異。夫以張獻忠
兇悍不馴。流毒幾半天下。
特因屢敗。求降文燦。蓋隨
彼狡謀。輕為聽信。又不聽
林銘球等叢雜之計。甘于
養虎。深山及孫傳庭引兵
蹙取。復安疑。知其招撫之
功。公然撤止。至孫賊橫行
益甚。殺城既。遂爾撲滅。
無期。與陳奇瑜之縱賊車
箱。同為存亡關鍵。以指日
就擒之寇。而聽其優游逸
去。其罪與助逆何殊。厥後
文燦雖正刑章。而宗社終
遂一死之所。能贖耶。

十八騎遁商洛。時關中賊略盡。張獻忠已降。惟羅汝才
等十餘部。往來豫楚。窺陝西。亦以求撫。給熊文燦孫傳
庭復引兵敗之于闔鄉。靈寶賊窘甚。忽得文燦止兵檄。
謂毋妬我撫功。縱部下戕殺。傳庭怏怏而還。未幾承疇
傳庭皆入衛北行。賊遂不可制。

冬十二月。方逢年罷。

時刑科奏摘參未完疏。逢年以犯賊私者。人亡產絕。瓜
蔓親戚。遂輕議以上。而帝意欲罪刑部。尚書劉之鳳責
逢年疎忽。逢年引罪。即罷歸。
督師侍郎盧象昇敗于鉅鹿。死之。
是時。

大清兵分三路深入。一由涑水攻易州。一由新城攻雄縣。一由定興攻安肅。象昇聞之。從涿州進據保定。令將分道出禦。大戰慶都。猶未敗。而一時列城多望風失守。嗣昌乃奏落象昇尚書銜。以侍郎督師。象昇自擢兵備。與流賊角。大小數十戰。賊雖強盛。俱烏合之衆。一敗卽散。走故所向摧破。及是。

大軍在前。又爲嗣昌所扼。兵力單。餉久乏。將士饑甚。自知必死。晨出帳。四面拜日。誓與將士同受國恩。患不得死。不患不得生。衆皆泣。莫能仰視。旋進至鉅鹿南賈莊。中官高起潛擁關寧兵。相距五十里。象昇遣贊畫主事楊廷麟字伯雅。清江人。往乞援。因與訣曰。死西市。何如死疆場。吾

以一死報君。猶爲薄耳。廷麟詣起潛。起潛不應。象昇卒。僅五千。行至嵩水橋。與

大清兵遇。總兵王樸先引兵逃去。惟虎大威。楊國柱從。象昇勒麾下卒居中。大威帥左。國柱帥右。大戰移時。乃休。兵夜半被圍。明日騎益大至。圍三重。象昇麾兵力戰。破盡矢窮。大威請潰圍出。象昇不許。猶奮鬪。身中四矢。三刃。手格殺數十人。乃死。一軍盡亡。惟大威。國柱得脫。起潛聞敗。遂倉皇星遁。嗣昌旣夙惡象昇。而起潛懼坐罪。誅諱象昇死狀。嗣昌疑不死。詔驗視。廷麟遣將得其屍。麻衣猶被體。一卒遙見。卽號泣曰。此吾盧公也。肅拜。衆皆拜。畿民皆奔走。兩泣曰。盧公死。誰恤我者。競立祠祀。

之順德知府于穎金壇人覈其狀以上事始白。嗣昌故斬

之踰兩月乃得殮。象昇嘗三賜劍未嘗戮一偏裨愛才恤下如恐不及沒後羣臣多為請卹

帝先中嗣昌言不納及嗣昌敗乃加卹卹福王時追諡忠烈本朝賜專諡忠肅

己卯十二年春正月以洪承疇總督薊遼軍務孫傳庭總督

保定山東河北軍務尋下傳庭于獄

朝議移承疇薊遼帥秦兵東守傳庭言秦兵不歸則流

賊勢張且軍士家在秦久留于邊非譁則逃無益帝不

能用尋又移傳庭于保定傳庭疏請召見為楊嗣昌所

大言謾甚引疾乞休嗣昌復劾之詔斥為民逮繫論死

二月劉宇亮罷宇亮自請督察軍務抵保定聞盧象昇敗懼甚急趨

晉州不敢戰

晉州不敢戰

大清兵而北至天津乃劾總兵劉光祚逗遛詔斬光祚軍

前而光祚適有武清之捷宇亮復具疏乞宥帝責其前

後矛盾削籍

三月我

大清兵出青山口

帝逮治失守封疆諸臣巡撫陳祖苞總兵吳國鎮等三

十六人同日棄市

夏四月總兵官左良玉敗賊于鎮平關在南陽府鎮平縣

初賊渠馬士秀等降良玉處其寨于許郊外許大州諸

將皆擊處會良玉率諸將入援士秀等假良玉軍號結

入賊縱火殺官吏威良玉家至是良玉南還擊賊馬進
忠于鎮平關降之復遣降將劉國能擊降士秀等于是
熊文燦上言兵威大震賊歲月可平帝優詔報之
程國祥罷

人主簡用大臣賢否自宜
素然况命相大事更非可
以輕聽發策取鑑臨時且
程國祥論歷之權程烈既
默定表乃欲假虛文以
愚耳目指其為可笑然
程烈亦知程之易涉私
當其時程亦又恐故下
之未敢舉心故程為觀試
法與與而程不得入其
陳項巧結程等預探意指

以迎公撫且從而激
其于公正用人之過去
之益遠不求其本而務尚
刑罰毋怪乎登進之日濶
也

初國祥之相也帝御中極殿召廷臣七十餘人發策親
試之時天大雨諸臣面對後漏已深終考者止三十七
人然帝意已前定第假是為各居數日國祥遂與楊嗣
昌等同相時先後居政府者八人劉宇亮傅冠薛國觀
楊嗣昌方逢年蔡國
用范復粹及而嗣昌薛國觀獨用事國祥委蛇其間自
守而已至是召對國祥無一言帝傳諭責其緘默大負
委任國祥遂乞休去蔡國川亦卒

九月以姚明恭張四知魏縣人魏照乘滑縣人並為禮部尚書
兼東閣大學士預機務

三人皆庸劣四知尤甚薛國觀力援入閣
張獻忠叛于穀城

獻忠在穀城擁兵索餉不奉調遣且日肆劫奪人咸知
其必叛知縣阮之鈿字實甫桐城人方言于熊文燦文燦不省

洪承疇等入衛羅汝才諸賊疑見勦亦乞降文燦益自
喜至是獻忠復叛殺之鈿毀穀城進陷房縣知縣郝景

春字和滿江都人及其子鳴鸞皆死之鳴鸞力敵萬夫擊傷獻
忠左足殺其所愛善馬
又用間入賊壘陰識獻忠臥帳將襲擒之會指揮張三
錫開門納賊入守備楊道選巷戰死景春鳴鸞及主簿
朱邦聞皆被左良玉羅岱追擊之至羅嶽山遇伏岱被
執不屈死

執不屈死。良玉軍大敗，喪士卒萬人。時李白成亦出收餘衆，往依獻忠。獻忠欲圖之遁去。時議者以李白成之遁，車箱喉張獻忠之

叛殺城為明所由亡。而陳奇瑜與文燦其罪首云。

六月，畿內、山東、河南、山西旱蝗。

加征練餉。

廷臣多請練邊兵。帝命楊嗣昌定議邊鎮及畿輔、山東、河北，凡四總督、十三總兵官，各抽練額兵總三十七萬有奇。又汰郡縣佐貳，設練備練總，專練民兵。于是勦餉外，復增練餉七百三十萬。

秋八月，削熊文燦官。命楊嗣昌督師討賊文燦，尋逮下獄。帝聞穀城之變，大驚，削熊文燦官，以軍中不可無帥，命戴罪視事。及問左良玉敗益怒，遂命嗣昌往代。逮文燦下獄論死。明年十月棄市。嗣昌既受代，乃大誓師。左良玉陳洪範等畢會嗣昌，以良玉有大將才，其兵亦可用，請拜良玉平賊將軍，報可。良玉既佩將軍印，志寢驕，遣使以書謝嗣昌，嗣昌不悅。

庚辰十三年春，二月，官軍大敗張獻忠于太平。明縣，今屬四川遂州。是時賊分為三，西則張獻忠踞楚蜀界，東則革裏眼、左金王等四營分擾隨、應、麻、黃南，則曹操過天星等十營伏漳房，與遠間楊嗣昌駐襄陽，而令左良玉專勦獻忠。及是，良玉合諸軍至柵平關。亦曰溝平關，在興安與賊州西南，與四川接界。遇擊之，獻忠敗走。良玉乃請從漢陽西鄉入蜀，追之。嗣

昌謀以陝西總督鄭崇儉字大章寧鄉人率賀人龍李國安從

西鄉入蜀而令良玉駐兵興平別遣偏將追勦良玉不

從時獻忠營太平縣大竹河在縣東北亦曰大竹渡其

紫陽縣入漢良玉駐漁溪渡未幾崇儉引其兵來會賊移軍

九滾坪與下馬嶺山俱在太平縣境見瑪瑙山峻險將據之官軍始

抵山下賊已踞山巔乘高鼓譟良玉下馬周覽者久之

曰吾知所以破賊矣分所進道為三已當其一秦兵當

其一曰聞鼓聲而上兩軍夾擊賊陣堅不可動鏖戰久

之賊大潰墜崖澗者無算追奔四十里良玉兵斬掃地

王曹威曰馬鄉大王等渠魁十六人獻忠妻妾亦被擒

遁入興歸山中勢大蹙

夏四月建江西巡撫解學龍字石帆揚州興化人及黃道周下獄尋

遣戍

道周貶江西按察司照磨時巡撫解學龍薦所部官推

獎道周備至故事但下所司大學士魏照乘素惡道周

擬旨責學龍濫薦帝怒立削二人籍逮下刑部獄責以

黨邪亂政並廷杖八十究黨與欲寘之死尚書李覺斯

東莞人讞輕嚴旨切責再擬謫戍烟瘴帝猶以為失出除

覺斯名尚書劉澤深扶溝人言二人罪至永戍至矣過此

惟論死論死非封疆則貪酷未有以建言者道周無封

疆貪酷之罪而有建言蒙戮之名于道周得矣非我聖

主覆載之量也仍以原擬請乃謫戍廣西

以謝陞陳演并研為禮部尚書並兼東閣大學士預機務
演庸才寡學工結納初入館即與內侍通帝簡用閣臣
每親發策觀所條對覘能否演結中官探得帝所問數
事密授演條對獨稱旨遂被擢用

五月石砮女官秦良玉敗羅汝才于夔州

汝才犯夔州遇官軍屢捷官良玉至以兵邀擊連敗之

斬千餘級奪汝才大纛擒其渠六人汝才走大寧宋縣今屬

夔州府

姚明恭罷

明恭出趙興邦之門公論素不與柄用後鄉人詣謁訟
之明恭不自安請告歸遂罷

六月薛國觀以罪免尋遣使逮入都賜死

國觀柄政一踵溫體仁所為而才智遠不逮操守亦弗
如帝初甚信嚮之後意亦漸移帝憂國用不足國觀請
借助于戚畹因以武清侯李國瑞為言國瑞孝定太后
兄孫帝曾祖母家也國瑞薄庶兄國臣國臣憤詭言父
貴四十萬臣當得其半今請助國為軍資故國觀言之
帝因欲盡借所言四十萬不應則勒期嚴追或教國瑞
匿貨勿獻拆毀居第陳什器通衢鬻之示無所有嘉定
伯周奎與有連代為請帝怒奪國瑞爵國瑞悻死有司
追不已戚畹皆自危會皇子病宦官宮妾倡言孝定太
后已為九蓮菩薩降神言帝薄外家諸皇子盡當歿俄

後問第當論言莫挽
之件向錄索自封不以佐
軍而過以類盜國瑞等之
愚實為可憫至九蓮降神

事怪不經正與神語帳
中同為古今笑柄論者或
稱其說計所全實多殊
不知其烈之聞言恐悖正
所謂妖由人興亦亡微之
尤且者乃遂緣是深嘆國
觀又不明斥其搜括之咎
久滋甚矣

皇子卒帝大恐封國瑞七歲兒存善為侯盡還所納金
銀而追恨國觀待隙而發初帝嘗燕見國觀語及朝士
貪婪國觀曰使厥衛得人安敢如是時東廠太監王德
化在側汗出沾背于是專察國觀陰事悉以上聞國觀
不知也及是行人吳昌時吳江人當考選恐國觀抑已因
其門人以見國觀偽許第一當得更科逮命下乃得禮
部主事昌時大恨以為賣已與所善東廠謀盡發國觀
受賄不法事以達于帝帝遂借票擬發怒時楊嗣昌有
所陳奏帝令
國觀下五府九卿科道會議革國觀職放歸帝怒猶未
已會國觀出都重車疊轡偵事者以聞而東廠所遣伺
國觀邸者值中書王陞彥至國觀向
與交關執之得其平日招

搖通賄狀詞所連及甚眾尚書傳永淳侍郎
紫奕琛等皆與焉詔下陞彥

詔獄窮治頃之給事中袁愷鄭城人復上疏再劾國觀帝

以陞彥行賄有據不俟獄具即命棄市而遣使往逮國

觀國觀遷延不赴久之始入都遂賜死事在明
年八月

秋七月張獻忠與羅汝才合陷四川諸州縣

初賀人龍屢破賊楊嗣昌私許人龍代左良玉而良玉

適有瑪瑙山之捷嗣昌顧人龍曰須後命由是兩人皆

不為用獻忠遣間說良玉曰獻忠在故公見重良玉乃

圍而不攻賊得與民市鹽米芻酪收潰散西走白羊山

與羅汝才合時曹操過天星方窺大昌注見
前來山

江為官兵所扼獻忠至遂與之合獻忠雖累敗氣

立馬江岸。有不前者，輒斬之。賊爭死鬪，官軍退走。賊畢

渡屯萬頃山。歸巫大震，先是嗣昌以川地阨塞，合羣賊

而蹙之，可盡殄。及是聞羣賊已聚蜀界，乃自夷陵溯舟

而上，而獻忠勢已張甚。曹操過天星等，東西奔突，官軍

往來追逐，不能及。獻忠遂陷大昌，進屯開縣。宋州明為縣，今縣屬

夔州。張令永寧戰死，秦良玉亦敗。賊遂北陷劍州，將人

漢中。總兵趙光遠，賈人龍扼之平陽，百丈。俱關各，賊不注見前。

得過乃走。巴西屠綿州，越成都，陷瀘州。復至開縣，嗣昌

在重慶。三檄人龍會師，又九檄召良玉，兵皆不至。

九月，李自成走鄭均，遂入河南。

先是楊嗣昌在彝陵，檄自成出令降。自成出嫚語，官軍

圍之魚復浦中。古魚復縣，因山為城，所謂赤岬山也。在夔州府奉節縣東。自成大困

時賊將多出降，自成欲自經以養子雙齒勸而止。有劉

宗敏者，監田銀工也，最驍勇，亦欲降。自成知之，與步人

叢祠顧而歎曰：人言我當為天子，蓋卜之神不吉。若斷

我頭以降，宗敏諾。遂三卜，三吉。宗敏還，設其兩妻謂自

聞之，亦多殺妻子願從者。會巡撫邵捷春移置戍兵

圍者解，自成乃盡焚輜重，輕騎由鄭均走河南。河南大

旱，斛穀萬錢，饑民從自成者數萬，遂自南陽出攻宜陽。

殺知縣唐啟泰，移攻永寧，殺知縣武大烈。臨潼人，拒守三晝夜，城陷。

與主簿魏國輔、教諭任維清守。賊萬安王采鏗。伊王支備王正已百戶孫世英，皆死之。賊萬安王采鏗，屬，居不

攻偃師，一日而陷。知縣徐日泰。金谿人。馬賊死自成于

是勢大熾，杞縣舉人李信者，逆案中尙書李精白子也。

伎紅娘子反，擄信，強委身焉。信逃歸，官以爲賊，囚獄中。

紅娘子來救，饑民應之，共出信，往歸自成，約爲兄弟。收

名嚴盧氏舉人牛金星磨劫破斥私入自成軍為主謀
議金星又薦卜者宋獻策獻策長三尺餘上識記日十
八子主神器自成大悅自成猜忍好殺嚴因說日取天
下以人心為本請勿殺人收天下心自成從之屠戮為
滅又散所掠財物賑饑民民受餉者不辨嚴自成也雜
呼曰李公了活我嚴復造謠謂日迎關王不納糧使兒
童歌之以相煽動民方被勦餉
練餉之苦從自成者日益眾矣

冬十一月南京地震

十二月兩畿山東河南山西陝西饑人相食

辛巳十四年春正月官軍追張獻忠于開縣敗績獻忠遂東
犯

先是楊嗣昌駐重慶監軍許事萬元吉守吉人知左良
玉跋扈不可使又慮賊或東突不可無備勸嗣昌令前
軍驅賊後軍繼之分中軍從間道出梓潼扼其歸路嗣

昌不聽明嗣昌下令放習才罪降則授官惟獻忠不
赦能斬者資萬金爵侯期日自堂堂至應臨

一題有斬督師者資白金三錢嗣昌賊勢疑左
右皆賊勒三日進兵會雨雪道斷遂復成期乃自統舟

師下雲陽令諸將陸行追賊及開縣之黃陵城在縣
東總

兵猛如虎參將劉士杰迎戰士杰深入所當披靡獻忠

登高望見無秦人旗幟而良玉前部無鬪志乃密選壯

士潛行箐谷中乘高大呼馳下良玉兵先潰如虎突圍

出士杰與遊擊郭開皆戰死嗣昌方悔不用元吉言而

獻忠已席捲出川下夔門抵興山絕新開驛置楚蜀消

息中斷

李自成陷河南府殺福王常洵

先是援兵過洛陽者喧言先帝困天下以肥王今王府

金錢山積乃令吾輩枵腹死賊。尙書呂維祺方家居勸
 王散財餉士不從。及是賊大至。總兵陳紹禹等入城守
 禦。紹禹親軍從城上呼賊相笑。諾揮刀殺守堞者。燒城
 樓。開北門納賊。常洵縋城出。匿迎恩寺。明日賊跡而執
 之。遂遇害。世子由崧裸而逃。維祺被執不屈死。同時以
 難者待詔郭顯星。推官黨克念。知縣劉芳奕。皆洛陽人。
 以舉人死難者洛陽張民表。嵩縣王翼明。以布衣死難
 者。孟津孫挺生。新安馬明山。李登英。賊既殺王。勺其血。雜鹿肉以食。曰福
 祿酒。火王宮。散金以賑饑民。乘勝圍開封。周王恭枋。定
 水。及副將陳
 承福等固守。自成攻七晝夜。不克解去。按呂維祺
 本朝賜諡忠敬

二月張獻忠陷襄陽。殺襄王翊銘。

憲王瞻培
 六世孫

楊嗣昌以襄陽為軍府。餉金甲器各數十萬。皆聚焉。每
 門設副將防守。啟閉甚嚴。及是獻忠令羅汝才綴鄖陽
 兵自率輕騎。一日夜馳三百里。殺嗣昌使者于道。取其
 軍符。以二十八騎給入襄陽。城時襄陽未知敗問。合符
 信。遂納之夜。半火從中起。城陷。賊縛翊銘。屬卮酒曰。吾
 欲借王頭使嗣昌以陷藩。伏法。遂與貴陽王常法同遇
 害。參議張克儉。字禹。型
 屯留人推官鄺日廣。南海
 人遊擊黎民安。臨
 邑人等死之。獻忠因得其所失。妻妾居二日乃去。陷樊
 城當

陽復與羅汝才合。入光州。遂商城。知縣盛以恒。竭力守
 禦。城陷。及其孫覺。教諭曹惟禎。典史呂維顯。皆不屈死。
 邑紳士殉難者。則有制簿副都御史楊所修。副使洪引
 徵。行取知縣馬嗣中。候選教官段增輝。舉人余容。潘諸
 生盧詔。德黃。陳廷。對廷。璋。鄭光。政。劉澤長。楊七。奇。皆
 罵賊死。以修。黨。魏。忠。賢。龐。名。逆。案。及是死節。盛以恒

潼關
衛人

三月楊嗣昌自殺。

嗣昌旋師至荊州沙市

鎮名注見前

聞襄陽洛陽皆降憂懼

不食死以丁啓睿代為督師啟睿本庸才憚李自成不

敢討聞張獻忠在固始稍弱請專勦獻忠從之

夏五月范復粹罷

薛國觀罷後復粹為首輔御史魏景琦劾其與張四知

學淺才疎伴食中書貽譏海內帝以妄誕下之吏至是

洛陽陷帝召對廷臣語及福王被害泣下復粹曰此天

數帝曰雖天數亦賴人事挽回復粹等慚不能對尋致

仕去

秋七月洪承疇援錦州次松山

我

大清兵圍錦州久環城列礮刈附近禾稼復分兵義州屯

田城中屢出兵皆敗還前後斬獲無算

太宗文皇帝以書諭祖大壽降大壽不答洪承疇調馬科吳三

桂等凡八大將兵十三萬進次松山我

太宗文皇帝聞之親率大軍陳于松山杏山之間橫截大路承

疇等懼以數千騎畧陣旋敗走伺

大軍還則遣兵從後追襲相距百步我

太宗文皇帝復令轉戰張黃蓋率數人指揮布陣士卒望見皆

披靡王樸吳三桂等遂夜遁去

大軍往來截擊承疇等軍士皆奔竄四出自杏山迤南沿海至塔山一路赴海死者不可勝計曹變蛟走入松山與承疇堅守帝命順天巡撫楊繩武總督遼東寧遠諸軍往援

歸清運河涸京師大疫

八月左良玉敗張獻忠于信陽

獻忠自商城疾趨犯信陽

知州尚孝誌訓導李逢旭陳所聞邑進士張應宿皆死之

羅山固始泌陽諸州縣羣盜附者萬計遂東肆畧獻忠自瑪瑙山之敗心畏良玉及屢勝頗有驕色至是良玉追擊之信陽大破之降賊眾數萬獻忠被重創乘夜東奔良玉急追之會大雨江溢道絕官兵不能進獻忠走

免已復出商城將向英山又為副將王允成所破眾散且盡所從止數十騎時羅汝才已先與自成合獻忠遂因以投自成自成欲以部曲遇之獻忠不從自成欲殺之汝才曰不如留之使擾漢南分官軍兵力陰與獻忠五百騎曰急東走此地非若所當留也因遁去道糾士賊一斗殺无鏗子等勢復盛

九月陝西總督傅宗龍

字仲綸昆明人

軍潰于新蔡死之以汪喬

年字歲星遂安人為總督

自成陷河南勢大盛帝以故尚書傅宗龍總督陝西別勅保定總督楊文岳字斗望南充人會師宗龍馳入關與巡撫汪喬年調兵兵已發盡乃檄河南大將李國奇賀人龍

延儒給惡已久其失勢內
憂與萬安之後無二言何
吳張溥等乃欲以爲報相

復收桑榆之效真
人說夢其尤可怪
八品之賢奸朝廷縱
惡鑑別而賜環起廢何至
以時等一一檢入交通
以得選得預操升庸大柄
以錄錄者向有所交關
延儒乎何誅而當時所
清流清亦可知矣

兵隸麾下急出關次新蔡遇伏人龍先走國奇及虎大
威繼之宗龍與文岳合兵結營保兵宵潰走陳州宗龍
穿塹守八日矢石俱盡夜半潰圍走被執死賊屠項城
商水扶溝陷葉縣圍左良玉于鄆城市乃擢喬年爲總
督。

召周延儒賀逢聖復入閣。

初延儒里居頗從東林遊幸姚希孟字孟長吳縣人羅喻義既
陷錢謙益遂讐東林及主會試所取士張溥馬世奇字
常無錫人等又皆東林也歸後失勢心內慙而體仁益橫此
體仁去後張至發薛國觀相繼當國與楊嗣昌等並以
婦嫉稱一時正人若劉宗周鄭三俊黃道周等皆得罪。

溥等憂之說延儒曰公若再相易前轍可重得賢聲延
儒以爲然溥友吳昌時爲交關近侍馮銓復助爲謀會
帝亦頗思延儒而國觀適敗至是因與賀逢聖復召入
閣溥等因以數事要之延儒慨然曰吾當銳意行之以
謝諸公既入朝悉反體仁輩弊政首請釋漕糧白糧欠
戶蠲民鬻積逋凡兵殘歲荒地減見年一兩稅蘇松常嘉
湖諸府大米許以明年夏麥代漕糧及召還言事遷謫
諸臣李清字映碧春芳五世孫等帝皆忻然從之。

冬十月癸卯朔日食。
十一月李白成陷南陽殺唐王聿鎮弟總兵猛如虎死
之。

如虎隨楊嗣昌下荊州。詔移駐南陽。自成來攻。如虎憑城拒戰。殺賊數千。及城陷。猶短兵大呼衝擊。血盈袍袖。

北面叩頭謝帝。自稱力竭。遂被害。參政艾毓初字孩如。

知縣姚運熙館陶人等死之。同時死者主簿門迎恩訓導

破南陽知府邱楊氣開。明年十月自成再

想素亦死之。賊連陷鄧州等十四城。再攻開封。高名

衡及陳永福竭力拒守。永福射中自成一目。自成退屯

宋仙鎮。初江喬年撫陝西。奉詔發自成先家米脂令邊

里為李氏村。在亂山中。十六塚聚葬。中一塚自成始。初

也相傳穴為仙人所定。塚中有鐵燈。日鐵燈不滅。李

氏當興。如其言。發之。有蠛蠓數石。火光熒熒。然斲棺骨

骨黑色。黃毛被體。腦後一穴。大如錢。中蟠赤蛇。長三四

寸。自角見。日而飛。高丈許。以口吞日色。昨昨者。六七月

乃伏。喬年兩廬骨并腊蛇以聞。及是。自成被射中目。

邊大殺任印人。

十五年春正月。起孫傳庭為兵部侍郎。督京軍。拔開封

李自成圍開封益急。開封故宋汴都。金人重築。厚數丈。

賊用人攻法。于城壞處實藥。襲中。火然藥發。當輒糜碎

名曰放逆。城土堅。火逆皆外擊。賊騎多。自成駭而去。

南陷西華。尋屠陳州。副使關永傑字人孟。鞏昌衛人。知州侯君

耀字際明。成安人。鄉官崔泌之鹿邑人。舉人王受節。俱罵賊死。歸

德。睢州。寧陵。太康。數十郡縣。悉被殘燬。高邱知縣梁以

梓全家。繼焉。已復還。攻開封。為持久計。詔釋傳庭于獄。

特召見。獎勞甚。至命督京軍赴援。

二月。陝西總督汪喬年軍潰于襄陽。死之。

初。秦中精銳盡沒于項城。喬年集散亡。得馬步三萬。使

賀人龍等分將之攻賊老砦于襄陽自成解圍來救人龍等不戰而走軍大潰喬年收步卒二千入城拒守賊盡銳攻五晝夜城陷喬年被執罵賊死賊惡諸生劉漢臣等助城守剽剛幾二百人時左良玉藉口勦張獻忠不赴援帝方命孫傳庭救開封傳庭兼程馳赴會喬年敗没人龍潰入關中帝即命傳庭往代且密論誅人龍傳庭至乃數其開城謀歸新蔡襄城連喪二督罪斬之而撫定其部曲

大清兵克松山洪承疇降遂下錦州

松山圍久食盡督師范志完虞城人不能救吳三桂遣將

卒尾

大軍後復敗走會松山副將夏承德遣子為質約日賊城

大軍如期攻之城遂拔巡撫邱民仰字長白渭南人總兵官曹變

蛟等死之承疇與總兵祖大樂皆降寧遠關門勁卒盡

喪錦州城內糧亦盡人相食祖大壽戰守計窮又聞松

山已失遂率所部以城降杏山塔山皆下大壽尋以病卒帝論

諸逃將罪誅王樸鑄吳三桂三秩時諸將多擁厚貲賂

權要故樸以外皆獲宥時敗書聞或傳承疇已死帝驚悼甚詔設壇都城賜承疇祭十

六民仰六壽命建祠都城外承疇民仰並列將親臨奠已聞承疇降乃止

三月魏照乘罷

照乘居位四年御史徐殿臣劾其嬖妾棄妻縱婿為奸

諸醜迹昭乘猶欲辨御史劉之執字安侯。復論之遂引

疾歸
夏四月謝陞罷
初我

太宗文皇帝屢遣書議和兵部尚書陳新甲以國內困敝亦請
主和以紓患密遣職方郎中馬紹愉等持書乞和我

太宗文皇帝宴勞有加禮仍授以書令還報遣人送至連山而
還其事甚密一日新甲私告傅宗龍宗龍以語謝陞陞

後見歸事大壞丁帝前述宗龍之言帝慙陞進曰倘肯
議和和亦可恃帝默然已而言官謁陞陞言上意主和

十是言官交章劾陞帝怒其洩漏削籍去新甲亦由此
得罪初帝密以和議委新甲手詔往返者數十皆戒以

家僮誤以為磨報付之抄傳于是言路譁然論劾新甲
帝怒甚留疏不下嚴旨切責令自陳新甲不引罪反謂
已功遂詔下獄尋棄市

五月以鄭三俊為吏部尚書
周延儒言于帝以老成名德不可輕棄請召三俊復故

官會吏部尚書李日宣字聯伯。吉水人。以會推閣臣得日宣

蔣德璟黃景助等名以上帝命再推復上房
人。大僚不獲推者為流言入內帝深惑之特御中左門
召日宣及與推諸臣責日宣詢情監舉命錦衣官襖冠

帶就執羣臣皆股栗失色遂下日宣刑部擬戍與推之
臣亦行被罪者蔣德璟字申 卽命三俊代之延儒又
請以劉宗周長都察院范景文長工部倪元璐佐兵部
皆起自廢籍其他李邦華張國維徐石麟字寶摩等皆

喪官。布滿九列。中外翕然稱延儒為賢。延儒嘗偕同列燕侍。帝語及黃

道周時。道周方謫戍辰州。延儒曰。道周氣質少偏。然學與守皆可用。同列因請移戍道周近地。延儒曰。上欲用

即用之耳。何必移戍。帝領之。即日復道周官。

張獻忠陷廬州。起馬士英。貴陽人。總督廬鳳軍務。

初。汴聞急。督師丁啟睿及左良玉往援。獻忠乘間陷毫

州。入英霍。至是復糾別賊陷舒城。據之。教諭楊延璧與在籍編修胡守

恒協力嚴守。至三晝夜。城陷。被執。罵賊。死。廷璧字荆璞。江都人。守恒字見可。連陷廬州。趙與

某經歷程元綬指罪趙之璞。皆力戰死。與基。太和人。含山。巢。廬。江。無為。六安。諸

州縣。南京。大震。詔遣鳳陽總督高斗光。起馬士英代之。

出英初。巡撫宣府。取公帑饋朝貴。坐遣戍。至是禮部侍

郎王錫衮。祿豐人。薦其知兵。周延儒力贊之。遂自戍所起

用

六月。賀逢聖。張四知。能以將德璟。黃景昉。吳牲。並為禮部

尚書。兼東閣大學士。預機務。

先是。李日宣雖被譴。德璟。景昉。牲。三人已先有旨入閣。

德璟等以日宣故。叩辭。新命因言。臣等並在會推中。若

諸臣有罪。臣等豈能安。及是。三人召對。稱旨。遂並入直。

秋。七月。左良玉兵潰于朱仙鎮。諸鎮皆潰。

開封圍急。帝命良玉赴援。楊文岳合虎大威。楊德政。方

國安。及良玉四鎮兵。次朱仙鎮。良玉見賊盛。一夕拔營

走襄陽。諸軍皆潰。

九月。李自成決河灌開封。城陷。

漢水灌市占未嘗不出
奇而勝然必自據高原始
可收建瓴之勢未聞地
處江河轉欲自清其防者
開封臨大河未始不可
借出流為邊險即被圍至
而亦惟死守以禦寇氛高
名乃急倡決河灌賊
之計不特汴漲而城勢如
釜中之魚一舉殲賊居民
亦皆死矣

高名衡議決朱家寨口在開封府城西北十七里河灌賊賊偵知之
遂移營高阜亦驅難民數萬決河河水自北門入貫東
南門出奔聲如雷城中百萬戶皆蕩盡得脫者惟周王
如世子及撫按以下不及二萬人賊亦漂沒萬餘乃拔
營去時孫傳庭方治軍關中帝以開封急屢趣之出關
傳庭言秦兵新募不堪用不聽不得已抵關而開封既
陷急攻賊于南陽收之追奔三十里至郟縣三塚頭賊
棄甲仗軍資于道官軍趨利遂為所乘大潰傳庭乃走
入關是役也天大雨糧不至士卒採青柿以食
冬十一月我

大清兵入薊州連下畿南山東州縣

時關內外並建二督又設二督于昌平保定又有寧遠
永平順天保定密雲天津六巡撫寧遠山海中協西協
昌平通州天津保定八總兵星羅碁布無地不防而事
權反不一警報至急徵諸鎮八援而我
大清兵已克薊州分道南嚮河間以南多失守至山東連
下兗州等府凡攻克八十八城魯王以派荒王檀自殺
樂陵陽信東原安邱等諸郡王皆死當是時畿輔山東
遁走或獻金帛迎降其死于戰守及紳士之殉節者畿
輔則霸州副使趙輝督守給事中周而淳同知丁師義
鄉官參政李時堯河間參議趙璉知府顏允紹同知姚
汝明知縣陳三接解職知府傅梅順德知府吉孔嘉趙
州知州王端冕教諭陳廣心訓導王一統定州知州唐
鉉阜城知縣呂大成永清知縣高維岱典史李時正教
諭邱養性鄉官劉維蕙清豐教諭曹一貞鄉官郎中李
其汜等山東則臨清總兵官劉源清權關主事陳興言

同知路如瀛州判徐應芳吏目陳龍翔鄉官侍郎張宗
 衡少卿張振秀員外郎邢泰告知縣井任天津參將賀
 秉鈺兗州府長史俞起蛟副使王維新知府鄧藩錫
 副總兵丁文明鄉官給事中范淑泰登萊僉事邢國璽
 萊陽縣知縣宋致沈逃臨淄知縣文昂陽信知縣張予
 卿濰縣知縣吳良能曹縣知縣劉光先等並附注于此
 趙與慈籍人顏流紹字廣明曲阜人姚汝明夏縣人陳
 先江陵人陳廣心元城人孔統成安人唐鈺字節玉
 雁州人高維岱昌邑人劉源清源澤弟路如瀛陵川人
 徐應芳臨川人陳龍翔蕭山人俞起蛟錢鼎人鄧藩錫
 字節玉金壇人范淑泰字通也滋陽人邢國璽
 人鄧長葛人文昌時个州人吳良能蓋州人

閏月李自成陷汝寧前總督侍郎楊文岳等死之

伯城并合蔡城先是馬守應稱七洞銅質一龍稱革裏

養成稱亂世王號平左連營五百里再屠南陽進攻汝

寧總兵虎大威中毆死城遂陷文岳被執大罵賊賊縛

之城南以大礮擊殺之兵備僉事世琮字仲發知府

傅汝為字于宜通判朱國寶成都副將賈梯參將馮名

聖汝陽知縣文師頤全州等亦俱不屈死時河南郡邑

無不殘破朝廷不復設官遺黎多結寨自保大者洛陽

李際遇汝寧沈萬登南陽劉洪起兄弟眾各數萬諸小

寨附之或降賊或受朝命復互相吞併中原禍亂于是

為極逮明年帝下詔蠲租赦罪已不可為矣

下給事中姜琛字如農行人司副熊開元字魚山于錦衣

獄尋遣戍

先是有造為二十四氣之說以指朝士二十四人其言

直達御前及是帝適下詔戒諭百官責言路尤切琛疑

明季國政日非詭言譏把
 心如下四氣之說野誕

不經為傳播原亦不成
車輪至莊烈下書訓戒自
以實言言路難廣或以滿
除言乃去採妄加揣測
言者皆上之心也
言者皆上之心也
言者皆上之心也
言者皆上之心也
言者皆上之心也
言者皆上之心也
言者皆上之心也
言者皆上之心也
言者皆上之心也
言者皆上之心也

帝已入其說乃上言。陛下視言官獨重故責之獨嚴。如
聖諭所云代人規卸為人出缺者臣豈敢謂盡無其事
然陛下何所見而云然。倘如二十四氣蜚語騰播清禁
此必大奸臣惑欲激至尊之怒藉言官之口將來誰復
為陛下言天下事者。臣區區之愚不獨為言官職掌更
為朝廷清治亂之源也是時帝方憂勞天下至默告上
帝戴罪省愆所頒戒諭詞旨痛切而採顧反覆詰難若
深疑于帝者帝遂大怒曰採敢詰問詔旨藐玩特甚立
下詔獄考訛而時又有熊開元事開元欲論則延儒屢
請召對及入見延儒同在不敢言。一日帝御德政殿秉
燭獨坐開元從輔臣入奏言易稱君不密則失臣臣不

密則失身請輔臣暫退延儒等引退帝不許帝疑開元
意有所為詰問者久之開元但言小臣面奏而大臣皆
在左右誰敢為異同之論以速禍帝不懌命之退延儒
等請令補牘從之開元本欲盡發延儒罪以其在側不
敢言而延儒慮其補牘陰令吳昌時沮之昌時開元令
吳江時所拔
十及奏上不更及延儒他事帝大怒命錦衣衛逮治衛
帥駱養性開元鄉人也素怨延儒令盡發延儒之隱以
聞帝益怒甚令養性潛斃採及開元于獄養性懼商之
同官不敢即奉命已而語洩有奏之帝者會帝意已漸
解逮採開元至午囚並杖一百移刑部定罪已皆遣戍
採宜州開元杭州方採開元下獄時或謂延儒當救不從既而

劉宗周以救二人削籍徐石麟又以救宗周罷去延儒竟無一言

未癸十六年春正月李自成陷承天

自成初無遠圖所得城邑輒焚燬棄去及灌開封敗秦

軍羣賊咸附乃脅崇王由橫衛王見澤使從軍陷荆襄

諸郡後湘陰王儼文屬遂犯承天焚獻陵陵中存聲

成懼巡撫宋一鶴宛平總兵錢中選留守孫壽崇宣城

容副使張鳳翥知府王璣林風鍾祥令蕭漢字雲濤等

皆死之徇下旁近州縣自號順天倡義大元帥稱羅汝

才代天撫民威德大將軍初自成善攻汝才善戰兩人

相須若左右手及是自成兵強士附有專制心顧獨忌

汝才乃召汝才所善賀一龍宴縛之晨以二十騎斬汝

才于帳中乘并其眾于是謀以荆襄為根本攻襄陽曰

襄京修襄王宮殿居之僭號新順王又以半金星言勅

設官爵名號置五營二十二將上相左輔右弼六政府

有侍郎郎中要地設防禦使府曰尹州曰牧縣曰令崇

王由橫等俱封伯官吏降者並授偽職自成每陷城邑

處寢興悉用單布幕綿甲堅厚矢礮不能入一兵倅馬

三四匹冬則以裊褥藉其蹄剗人腹為馬槽見人輒銜

牙思噬騰山巔直上水惟憚黃河若淮泗涇渭則萬眾

趨足馬背或拖鬚緣尾呼風而渡臨陣列馬三萬各三

步卒長鎗三萬擊刺如飛騎兵回擊無不大勝攻城連

降者不殺守一日殺十之一二二日殺十之七三日屠

之凡殺人束屍為燎謂之打亮賊將陷步兵環環上馬

兵巡徼無一人得脫者

獻忠雖至殘忍不逮也

二月乙丑朔日食。

夏四月我。

大清兵北還周延儒自請督師許之。

時

大清兵自山東還至近畿帝憂甚。大學士吳甦方奉命辦流寇延儒度不得已遂自請視師帝大喜獎以召虎裴度賜章服白金交綺上馴給金帛賞軍延儒駐通州不敢戰惟與幕下客飲酒娛樂而日騰章奏捷及

大清兵至懷柔趙光抃字彥清德化人合唐通白廣恩等八鎮兵

邀戰于螺山在懷柔縣北皆潰總兵張登科和應薦敗沒延

儒偵

大清兵已還乃言兵退請下兵部議將吏功罪遂歸京師

五月以魏藻德順天通州人為少詹事兼東閣大學士預機務

藻德時官修撰庚辰殿試第一長于辨說應對捷給先是都城

戒嚴疏陳兵事又召對稱旨帝意其有抱負遂擢至政

府去釋褐甫四年也既入閣一無建白但倡議令百官

捐助而已。

吳甦罷。

初帝以襄陽荊州承天連陷召對廷臣隕涕謂甦曰卿

向歷巖疆可往督湖廣師甦請得精兵三萬自金陵趨

武昌扼賊南下帝以所需兵多猝難得集南京隔遠不

必退守甦奏言左良玉跋扈甚前督師楊嗣昌九檄徵

兵一旅不發。臣不如嗣昌而良玉踞江漢。甚于襄時。臣
節制不行。徒損威重。南京從襄陽順流而下。窺伺甚易。
宜兼顧。非退守也。帝乃令兵部速議發兵。尙書張國維
請以總兵唐通馬科及京營兵共一萬界姓。又言此兵
方北征。候撤備後始可調。帝命姑俟之。姓屢請。帝曰。徐
之。撤備則兵自集。卿獨往何益。踰月。周延儒出督師。朝
受命夕啟行。蔣德璟等譏姓畏賊。遲回。而兵部所撥唐
通兵。陳演又以關口不可無備。請留之。姓不得已。以五
月辭朝。先一日。帝猶命中官賜銀牌給賞。越宿。忽下詔
責其遲遲。命輟行。入直。姓惶恐引罪。遂許致仕。既行。陳
演等復搆之。徵至議罪。遣戍金齒。

周延儒罷

延儒自通州回。帝大加獎勞。居數日。掌錦衣衛事。駱養
性。盡發所刺軍中事。養性本延儒所薦。背延儒與中官
結。及是以軍中事與中官並發之。帝大怒。責延儒蒙蔽推諉。下廷臣察議。延儒席藁待罪。
自請戍邊。帝猶降溫旨。許馳驛歸。白延儒再相。帝尊禮
特重。蓄于歲首。日東
向揖之。曰。朕以天下聽先生。因徧及諸閣臣。然延儒定
席藁無他材器。當邊境喪師。李自成殘掠河南。張獻忠
蹂躪楚蜀。天下大亂。延儒一無所謀畫。任其自敗而已。
性故貪黷。會張溥已卒。馬世奇以遠嫌不至。左右無正
言。所信用惟吳昌時與門下客盛
順。重延獻輩。因緣為奸利。故敗。

張獻忠陷武昌。沈楚王華奎于江。前文淵閣大學士賀逢
聖等死之。

獻忠方襲陷太湖。聞左良玉避自成東下。盡撤湖廣兵。

自從遂趨陷黃梅。連陷廣濟。斬州。斬水。入黃州。黃民盡逃。乃驅婦女剗城。尋殺之以填堦。又西陷漢陽。武昌。及

旁近屬邑。執楚王華奎。籠而沉諸江。長史徐學顏。子君復。永

康。參將崔文榮。海寧人。俱戰死。逢聖方家居。載家人至墩

子湖。鑿舟沉之。妻危氏。子觀明。光明。子婦曾氏。陳氏。孫

文。賊乃盡殺楚宗室。錄男子二十以下。十五以上者為

兵。餘皆殺之。由鷓鴣洲至道士洲。浮黃蔽沉。踰月。人脂

王第。鑄西王之寶。偽設尚書都督。巡撫等官。開科取士。

下令發楚邸金。賑饑民。斬黃等二十一。州縣悉附。時官

虛節者。通判李毓英。武昌衛經歷汪文熙。巡檢韓長

治。尹如翁。嘉魚。知縣王良鑑。蒲圻。知縣曾斌等。又巡江

都司朱鼎。鼎者。城陷。被執。執手罵賊。賊斷其兩手。不死

賊退。令人縛筆于臂。能作楷字。招集舊卒。訓練如常。

李毓英。固安人。王良鑑。霍山人。曾斌。臨川人。朱士鼎。字

玉節。休寧人。按賀逢

聖。本朝賜諡忠愍。

六月。雷震奉先殿。

遣官告太廟。救羣臣修省。

秋。七月。京師大疫。

自二月至是月。死者無算。詔釋輕犯。發帑療治。瘞五城

暴骸。

八月。張獻忠陷湖南諸郡。左良玉遂復武昌。

獻忠既僭號武昌。李自成在襄陽聞之。忌且怒。貽書譙

責。會左良玉復西上。偽官吏多被擒殺。獻忠乃悉眾趨

湖南于是沔陽蕪黃漢陽諸州府皆反正良王乃乘隙入武昌立軍府以駐師獻忠遂陷岳州欲渡洞庭湖下于神不吉投琰而詢將渡風大作獻忠怒連巨舟千艘載婦女焚之水光夜如晝騎而逼長沙巡按劉熙祚字緝武奉吉王名慈煒簡王惠王名常走衡州長沙衡州繼陷吉王惠王桂王名常瀛俱走永州獻忠乃折桂王府殿材載至長沙造偽殿而自追三王于永熙祚命軍護三王入廣西身入水死守城陷見殺獻忠又陷寶慶常德發故督師楊嗣昌祖墓斬其屍見血欲攻辰州土司以兵塞辰龍關名在沅陵縣乃移攻道州守備沈至緒戰歿其女再戰奪父屍還城獲全遂東犯江西陷吉安袁州

建昌撫州皆陷入廣東南韶連城官民盡逃時賊有獻

取吳越者獻忠忌其王在不聽乃決策入川中

冬十月李自成寇潼關總督孫傳庭死之遂陷西安延安諸郡

當是時十二家七十二營諸大賊降死殆盡惟自成與張獻忠存而自成在襄陽尤勁議兵所向從事顧君恩言關中山河百二宜先取之建立基業然後旁略三邊資其兵力攻取山西以向京師此上策也自成從之初孫傳庭之敗于柿園而歸也方主固守潼關控扼上游益募壯士繕器械置火車三萬輛俟賊聞而擊之適關中歲饑苦征繕士大夫日望其出關咸上章催戰帝

亦屢詔趣之。傳庭不得已，率師東出，拔寶豐、唐縣、至邠縣。自成以萬騎迎戰，大敗。幾獲之。會天大雨，道澇，糧車不進。自成遣輕騎出汝州，要截糧道。傳庭乃分軍為三，令白廣恩從大道，高傑親隨，從間道迎糧。陳永福守營。傳庭既行，永福兵亦爭發，不可禁，遂為賊所躡。至南陽，傳庭還戰，賊陣五重，官軍克其三。已而稍却，火車奔騎，兵亦大奔。賊縱鐵騎踐之，傳庭大敗。自成空壁逐利。一日夜踰四百里，官軍死者四萬餘人，死亡兵器輜重數十萬。傳庭奔河北，轉趨潼關。傑、廣恩從之。賊遂至傑曰：「我軍家屬悉在關中，不即入西安，憑堅城固守，傳庭一入關，則全秦廢。」秦人尚為我用乎？不聽。已而

自成攻關，廣恩戰敗，傳庭登陴固守。賊分兵從山後，蹙出其背，關城遂陷。傳庭躍馬揮刀大呼，衝入賊陣，與監

軍副使喬遷高定襄人同戰死。賊遂陷華陰、渭南。知縣楊

鄉官尚書南金仲年八十三，罵賊不絕口，遂遇害。金仲

族子尚書居益子主事，居業皆被執，不屈，加炮烙而死。

楊暄，高平人。南居益，字思受。連破華商。南維道黃世清，一門遇害。具

世清，字澄。海勝縣人。臨潼攻西安，守將王根子開門降。自成入秦

王官，執秦王存樞。愍王棧九世孫。授偽官。劉氏死之。巡撫馮

師一，原武人。以下死者十餘人。師孔及按察使黃綱、俱

綱、白經死。長安知縣吳從義，指揮崔爾達，亦皆定井死。

鄉官都御史焦源溥，罵賊支解死。其兄都御史源清，不

屈死。僉事王徵，絕食死。參政祝萬齡，投繯死。時傳庭妻

張氏，在西安，率三妾二女同赴井死。黃綱，字季侯，光

州人。章尚綱，會稽人。吳從義，字裕強，浙江山陰人。焦源

溥，字涵一，源清字湛一，皆三原人。王徵，字葵心，澤陽人。

成寧人布政使陸之祺平朔人等皆降自成屢陷各城大吏未有降者自之

始自成乃改西安曰長安稱西京賜顧君因女樂一部

賞入關策也大發民修長安城開馳道闕兵渭橋鉦鼓

震天地諸將白廣恩陳永福等皆降承福以先射中自成日據山巔不敢

下自成折箭為誓招之乃降惟高傑以竊自成妻故走延安為李過

所追折而東復渡宜川河絕蒲津以守自成兵所至屬

城風靡乃請米脂祭墓向為中發焚棄其改延安

府曰天保府米脂曰天保縣清淵曰天波府鳳翔不下

府之以偽檄誘降榆林亦不下自成大發兵攻之兵備

副使都任字宏若祥符人督餉員外郎王家祿黃岡人里居總兵

官在世欽尤世威世祿等集眾城守血戰七晝夜婦人

孀子皆發屋瓦擊賊城陷無一降者忠烈為天下最賊

遂乘勝降寧夏屠慶陽韓王稟塔憲王松被執副使段

復興字仲芳一門死之知府董婉里居少卿麻禧皆不

屈死移攻蘭州巡撫林日瑞字裕元等亦皆死同時死

將郭天吉總兵官馬燾中軍將羅維新姚世儒同知藍臺鄉官羅俊傑趙官等進陷西寧甘肅

于是三邊皆没人又遣別將渡河陷平陽殺宗室三百餘

為賊說總兵周遇吉遇吉斬之傳首京師周遇吉錦

州衛人按孫傳庭諡忠靖尤世威諡忠剛俱本朝賜

十一月以吏部侍郎李建泰曲沃人副都御史方岳貢穀城人

並以原官兼東閣大學士預機務

建泰先官祭酒頗著聲望尋佐吏部及是黃景昉罷九月

致遂與岳貢俱以本官入直岳貢以督漕參議召對政

明神宗皇帝

後漢書卷之百五

事閣臣無冠都御史者岳貢一人而已

十二月周延儒以罪逮至賜死

初延儒薦用侯恂商邱人范志完督師皆偵事又任選郎

吳昌時交通內侍把持朝局延儒既去山東僉事雷縉

一府人太胡劾志完縱兵濫掠御史將以辰劾昌時賊私巨

萬交進中官滿池穆密劾首惡延儒而劾劾志完昌時

于中左門折昌時屏察其事皆自述乃下獄論死始有

意欲延儒初薛國觀賜死人皆謂昌時致之其門人魏

藻德新入閣有寵恨昌時甚因與陳演共排延儒駱養

性復騰蜚語帝遂命盡削延儒職遣緹騎逮入京師時


舊輔王應熊被召延儒知帝怒甚有留道中俟應熊先

入冀為請帝知之應熊既抵京命之歸未幾應熊請老許之延儒

至安置正陽門外古廟上疏乞哀不許法司以成請同

官申救皆不許及是志完昌時棄市勒延儒自盡籍其

家



後漢書卷之百五

一七

